



龜巢遺稿卷之十七目錄

龜山祠詩

簡曹谷賓

冬至日方欲以老况自述孫垣來侍傍說江陰陳庠仲表仲徵二公倡和之娛區、坐馳因用足成此詩以代折簡

江陽鄭教諭以詩見寄褒美太過且聞時赴京考績因次韵以餞其行

予以小爐閣坐卧安燠名之曰熙、甕天孫壇到江陰語劉小齋先生篆篆書四字見



其筆畫清勁可喜作詩報之乃翁澹齋先
輩能篆隸而文為鄉郡所稱詩中故追美
之

周節婦陳氏吾甥也早寡賴其母撫恤之恩
為多母卒且以女付託我夫婦携之避兵
居吳中十有餘年白首歸里一生艱苦老
夫獨深知之故書此以紀其畧云

臘月十四日風雪極寒大林庵主僧以佛廬
落成

悼熊元脩徵士

次韵荅袁仲徵見寄

四皓圖

瓜隱為崑山邵濟民賦

簡袁耕學先生

寄熊元脩

次韵陳庠仲見貽

又和袁仲徵陳庠仲去冬見寄之作

壽萬拙齋

昔人謂積憂成陰，積成雨今陰雨之久且
多竟不知何憂之積以致然也淺陋之辭

姑識歲月

贈時義夫

貽呂雋

挽徐仲清

夏五即事

寄王尚絅陳子儀諸友

簡無錫華景彰

寄徐伯樞

寄丹陽孫秀民

懷京口俞伯鎮

洪武乙丑秋新鄭縣學以通經薦吾孫壇移
文本縣徵赴吏部壇於六經有望洋之歎
且欲辭而不可得予以孔孟之書列乎九
經壇嘗受業故臨別示此數語勗之

送楊景于以通經薦舉之京

和景于韻冬至

冬至後五日承都齋文會翼早賢長史置醴
款洽且有贈言次韻奉酬并謝不敏

初度作

卧雲歌為華景章作

郡侯以蘭行年九十以詩見贈敬次韵歷叙平生以鳴謝臆

十一月廿七日得塏口信以詩志喜并記臨別祝規之意

自和同前詩於次年正月十三日附寄黔陽簡陳子章先生

橫山歌壽萬拙齋

妾年作小詞或詩為萬拙齋壽癸亥夏五予以鄉人嫁禍兒輩往崑山救之留別永懷寺長老暨袁子英俞茂本通政

陳德廣知事以自壽之詩見示予以其灾字韵險不和乃效唐人和意以壽之故落句如此云

德廣喜予詩和韵見貽予復答之即三月十一日繁霜之異於頷聯書之非虛語也

次韵荅華以愚見寄

哀詩

東西家

重午日小酌

五月望日寄江陰陳庠仲

同日寄袁仲徵

曹文質自金壇來云費延年教諭傳語且知

告老而歸閑居可喜因作此詩代簡

鄭朝宗教諭以予去冬初度自壽之詩次韻

見貽予復和而贈之

六月初八日雨晴懷毛伯尚

哀詩

讀大誥作卷歌二首

贈陳栖雲

贈周彥美

簡王尚綱

贈詹伯遠

示孫鯉

初冬感懷令垣書所居屋壁

初度蔑以為樂杜揆古樂府三章而令諸孫

誦之老夫聽之比之挽歌者歌蒿薤于柩

前豈不樂哉

樵海歌為秦文仲先生作

寄溧水開福寺長老源別流

悼徐孟銘

臘月十六日夜篝燈作兩書言不盡意夜半
後歌枕對月口占言懷命兒輩錄上畊學
伯齡元脩三先生南澗海萍二講主清真
一鍊師暨諸吟友

任義甫生日作絕句四首以鰥居無子貧病
為憾予乃以理釋之誠如吾言則不必怨
天尤人而處之泰然矣

贈蔣居士

贈袁居士

正月既望予奉陪邑長貳置鄉先生之祠於

學釋菜而歸兒輩謂故人楊澤懼過訪臨
別作長短句貽之余因口占以記鄉校中
盛事并寄楊為後會之約云

水田歌

無錫昇佛像由暨陽而來鳴鑼鼓樹旗蓋儀
從僭侈家至以禍福惑人取菽帛無筭東
洲任耆老沮之巫不遜被毆且以杖擄木
偶幾躓而後去鄰莊有王氏者持而逐之
予聞而喜乃力病援筆書此以美任并異
其義理之勇云

題打球圖

清明後一日邂逅薦福寺長老源公話舊論
詩意甚相得明日作此詩代簡

沈德麟母哀詞

洪武丁卯年詣烈塘祖墳祭掃恐朝暮即世
子孫不知所葬者為誰且追念墓松為邑
里諸宰木之冠感愴寫情并圖墓穴以示
兩子及孫使識之以永其孝思

次韵答江陰鄭教諭見寄

葉道士遊仙詞

輓萬拙齋

閏六月廿九日飄風動地自黎明掘起破屋
拔樹衆皆驚懼至夜方息次早余追念疇
昔慨然作歌

葛節婦

寄清真觀提點余復初

代簡吳中衡

寄題詹伯遠蘿屋

雪中遣興

贈張鍊師

悼大林庵主日公

挽無錫王

感事

邀舒允文小酌

題秦仲賜雨竹

送徐士方之登州黃縣學教諭

觀音柳

羅漢松

次韵荅鄭玄齡見贈

宿僧房澹泊齋

懷郡城諸親友

賀太平寺講主

感興

端午日懷古

西塘詩

端午後雨阻過詹氏蘿屋即事賦絕句二首

代簡

人面獸

追悼諸葛用中

寄鄧秉文

寄陳彰遠明遠兄弟

寄辛至善

寄清微觀周石泉

三笑圖

風雲雷雨画四首

野雲歌為王元一羽士作

買臣讀書圖

薦福寺紅梅

源竺淵以道西傳等和予詩亦蒙見贈且云

臨字等韵難和由是予復次韵酬之

獨孤公檜詩

題牽牛圖

題鷺鷥便面

出門

題僧網澹泊軒

江山漁樂圖

崑山王有恒以書附常州天寧寺長老寶公

問余近况作詩答之并索諸友賦重植獨

孤公檜詩

黃林屋許贈皂布巾不至戲作此索之

贈天寧寶滄海

悼城西周彥美

寄饒州鄱陽縣唐生

和舒允文見貽

夏五訪一舟禪師臨別立銀杏陰中謂予曰

山中舊物什喪八九惟此木幸無恙也宜

蒙品題為天寧勝槩使居山者亦預有餘

光余謝不敏然心嘗許之故茲口占以頌

人物具并之美

挽曹子毅大使

洞庭胡敬之以予父執之交歲饋新橘凡十

有餘年感無官報是用作歌

紅梅

歲旦言情

寄盧長嬰次農

寄辛彬甫

和毛伯尚雪中登塔

壽諸葛節婦

予前詩謂獨孤公檜在陳廟蓋圖經所載及

予親身見之一日郡人徐孟魯問曰唐刺

史為一州之主手植之檜宜擇公解美地
表而出之眾所共瞻何寔諸陳廟之後耶
予曰按唐書德宗朝徙公為是州刺史去
梁公毀江南淫祠之日未久無陳廟也唐
衰禮廢淫祀浸興迨五季而禮法大壞叢
祠之神類加尊號陳廟或肇於唐末而盛
於斯時今荒園廢治安知非昔日驛亭傳
舍乎歷宋而元皆無改作故翁卷之詩有
曰托根陳帝廟應不慮樵夫其意不以此
木為不幸而反以為幸也可勝歎哉孟魯

然余言遂植檜舊所予亦恐前詩為人口
實因復作是詩

寄聰上人嘗托補楞伽經脫簡就用索之
題顧師道樓居晴空圖

碧桃贈呂城壩官廳孟恭
老况

雨中期辛彬甫不至兼憶兒子林孫塏等一
時口占二絕句

謝饒州周氏甥孫女惠鞋
贈盧長嬰次農

寄南宗僧綱

寄一舟禪師

寄講主法師西傳

懷唐伯遠

寄贈岳陳齋

寄薦福寺源竹淵

寄贈呂城羽士周石泉

索居無聊自七月既望至中秋前九日腹藁
得小詩十首不追琢不詮次大率皆眼前
事無遠興也然胸中芥蒂有消釋未盡者

或見於詞可笑

暨陽沈德麟氏從居郡城名燕處之室曰咬
菜根處昭其儉也龜巢老人謝蘭謂之曰
夫人以儉德立身惟窮達不交者君子豈
之拙詩效顰亦曰備薑桂之用云

挽管伯齡

陳存心先生挽辭

鶴鷄圖

題清微觀

懷袁畊學諸故人

送郁友文之京

次韵奉答瓢齋先生見寄

僧綱贊公和尚以疾得告而歸善權舊隱橫
山老樵謝蘭效劉賓客竹枝二首為臨別

贈

過無錫醫士徐士廉別墅

寄楊彦澤

次韵送秦文仲歸海上

送秦文仲教諭歸老崑山縣

次韵寄薦福寺東堂長老

橫山白龍祠

簡沈時敏

憂旱吟

示冢子及孫

又自述同示

祭禰忌日詩

雲林書舍

賀潤天澤住持保寧寺

南宗僧綱和尚唐允明吟友唱和見贈

豆腐詩

唐允明以吾孫垣自成都府岩州衛公差過
常鎮等府因得覲省賦詩見貽有情兼悲
喜之句可為知我者矣賦詩示垣并謝允
明
袁畊學先生以陶詩集句十五首見示心賞
不足辭以答之

弔薦福竺淵源公

寄南京僧綱并寄唐允明

東洲觀音堂瓊瓦歌

松竹梅三詠

寄習訥二講主

寄辛彬甫

寄性空山主次韵

寄吕克明

次韵自述

感懷

短歌行

冬至前一日寫懷

寄朱季明

寄題讀易齋

王達善母挽詞

塗謠

和王有恒野步

和王有恒見贈

糟丘作

攬翠軒

王有恒以詩留別其詩有鶯花

老泪之句

予乃效唐人和意而不和韵送其行解其

悲兼簡吳中行心友

苔溪獨釣圖

端午

窮快活

寄劉小齋先生

簡張履道

寄宜興教諭

思賢錄元末為宗先賢鄒忠公祠墓而作也

洪武壬戌會崑山王仲照語及之慨然有

鏤版之意後果如其言蘭初意凡遇郡守

及府教到任各送一部庶有所觀感而不

廢其祭掃之禮為今蘭於垂死之秋追念

疇昔乃口占以抒其情

性存真公以南泉鉅斧入天寧大鼓社猶附庸也龜巢老人作歌以送之

寄南京僧綱和尚

八月旦辛易齋書來知畊學表先生客死秣陵以詩哭之

感物

秋興七首

周可大新充糧長

初度言懷

二周詩

示二子自烈塘還橫山而作也曾子曰人之將死其言也善吾於此亦云

賀西傳和尚為僧司副綱

崑山辛彬甫夏初以人才見上奉旨還教諸生讀大誥限以十二月五日師生赴御前試讀如期而往受賞而歸蘭甚以為喜作是詩賀之

長洲劉衡來云無錫徐伯樞縣丞重過衍慶院有詩題壁予乃次韻叙別并寄題膠山

幽居各一首

送丁敬止携室人奉母往西流乃翁寓所完聚

代簡答陳子章先生

和鄒士文與陳子莊會飲

水獺氈帽

林塘幽為鄒士文賦

謝府學教授縣學沈訓導見訪

別後數日知途中值雨再此謝不能固畱

詠懷詩奉府學訓導

寄樵海教授老先生洎諸故人

寄集公詢公二講主

寄陳明遠兄弟

懷辛至善

素醍醐

次韵答張尚迪先生見贈

又答毛伯尚

憶昔行

楊文靖公祠堂詩

送垣成蜀屯所

郎事簡臧尚迪毛伯尚

寄呈崑山縣學訓導

屯田歌

道旁語

新堂

椿萱堂

上李太守

老蚕

負暄

代簡高彥述

懷唐蘿屋

和遊大林庵韻

龜巢遺稿卷之十七

龜山祠詩

卓彼文靖公早立程門雪載道歸東南統緒賴不絕
鳳鳴朝陽能幾時朝栖瑯林暮棘枝歲晚江空卜居
此毘陵艸木增光輝迺來陵谷一冉變烟滅灰飛蕩
書院殘碑斷礎落誰家應作寒砧搥霜練南山北山
禪者流鼓鐘雷鳴塔廟脩儒衣儒冠亦不少孰謂好
賢無二周龍鍾老諸生不言恐包羞甘棠樹下吐肝
胆愛禮可得存羊不羊存禮亦存所願或可酬渠
一畝宮依然對滄洲將使邑人知有東家丘駿奔籩

豆祠春秋

簡曹谷賓

往昔政和間結交先君子時葉公子承蔣公子
舟諸良友數嘗文會于九華隱者周先生之家
其書札之妙聲詩之佳今皆不可得而見矣區
區追憶故文輒成韻語寫去谷賓吟几為後會

張本云

清文方結先君子博學自謂無恒師州堂詩史擬欲
續蘭亭字書將並馳百年陵谷變更日四海弟兄生
死悲舊家文獻掃如電獨愛羲之又

冬至日方欲以老况自述孫垣來侍傍說江
陰陳庠仲表仲徵二公倡和之娛區、生馳
因用足成此詩以代折簡

菟矣又逢長至日凄然聊作短歌行一妻一子竟契
闊兩耳兩目幾聾盲里中尚結雞豚社江上豈忘鷗
鷺盟珍重暨陽雙白壁慎毋輕用易連城

江陽鄭教諭以詩見寄褒美太過且聞時赴
京考績因次韵以餞其行

大君立極揚威靈麾斥百家尊六經出圖之馬出未
已來儀之鳳來不傳萬方皆效華封祝諸將已勒燕

然銘化風暈被族麟趾聘物遠來鹽虎形雄州巨邑
並序序歌臺舞榭無優伶先生橫經虎皮席弟子立
雪梅花庭延陵躬畊地井、尼山聖父碑亭、正迤
海內興賢日豈作江陰老客星泮宮芹蒸得佳趣鄰
封州木沾餘馨龜巢一老辱篇翰鱣堂幾時瞻典型
趣裝又欲覲金闕飲餞媿無双玉珩淵清水潔知者
衆會有孫苞薦管寧

予以小爐閣坐卧安燠名之曰熙、甕天孫
壇到江陰語劉小齋先生篆篆書四字見其
筆畫清勁可喜作詩報之乃翁澹齋先輩能

篆隸而文為鄉郡所稱詩中故追美之

昔在金斗城晤言即相遠今觀玉著篆神氣不少衰
淡翁心畫傳師承古人誰秦相漢中郎殆欲肩相隨
舊家冠蓋里密迹延陵碑古意師聖筆真膺吾何疑
正如善相馬而忘牝與驪懷哉揚子雲載酒當問奇
奈無縮地術龍鍾空坐馳

周節婦陳氏吾甥也早寡賴其母撫卹之恩
為多母卒且以語付託我夫婦携之避兵居
吳中十有餘年白首歸里一生艱苦老夫獨
深知之故書此以紀其畧云

哭夫未了又姑嫜獨抱遺孤涕泗滂奩具賣來營墓
具不憂寒餓死空房

二

南山石爛海揚塵風雨漂搖笠澤濱嗟歎渭陽田舍
老辛酸同受十三春

三

狼烟未息歲仍飢蛟室相隣地亦危長夜點燈机上
織明朝換米釜中炊

四

戰骨縱橫歸路迷烈塘疑是越來溪良人地下應憐

汝不作王凝斷臂妻

五

裙裾藍縷著簪折鄉井蕭條州屋界節孝兩全頭雪
白儔能說與史官知

臈月十四日風雪極寒大林菴主僧佛廬落成

冰雪堆中作梵宮磨磚布地與金同何當放下南泉
斧坐聽松杉萬壑風

悼熊元脩徵士

落、龜巢翁閒、鷗社叟雷陳十年交雲水三江口

在昔鷗沙結社時，盟鷗之詞我筆之吟。風咏月意相
得絕，似伯牙逢子期。朝六詩暮六詩，興動未忘渴
飢松江太湖墨淋漓。宿汀鳧渚生光輝，毛髮雖秋霜
光風自懷抱，不虞白石爛。但覺滄洲好，一朝陵谷俄
交遷。我歸畊我延陵田，啣冤塞海笑精衛。抱怨思家
怜杜鵑，鷗社叟軟。双脚晏然不受功名縛，社鷗尋盟
還可樂。第我途路遙，來往難如昨。前年訪戴踐重約，
舟到山陰眼生膜。黃庭不寫贈龍鵝，蒲萄撥醅旨且
多。船頭送別誦佳句，且知少武追陰何。音書從此不
復得，我心孔竅皆茅塞。清夜悠，思故人夢裡依然

見顏色。客來聞死半年久，俵不能將絮酒悲歌為
探驪龍手。三日悲風動林莽。

次韵荅袁仲徵見寄

大江南岸衆山蒼，岩谷深藏寶劍光。江上風波來袞
袞，山中歲月去堂堂。能承書業千金產，喜有童孫尺
尺長。杯酒正須朝夕醉，無勞更覓解愁

四皓圖

天風吹斷紫芝歌，四老瞠然出薜蘿。不用勒兵呼左
袒，安劉功比絳侯多。

二

飽茹山中紫玉芝姓名誰徹九重知
濟時陰有回天力震器安然不動移

瓜隱為崑山邵濟民賦

藥壺舊縣紅杏林瓜廬今住清江潯
南柯太守了無夢東陵故侯同此心
灌園自捧漢陰甕抱蔓別作黃臺吟
老我坐馳三百里何由縮地重相尋

簡袁畊學先生

馬鞍山開龜甲屏臯比之席講六經
一年不見朶雲字三月又看花雨零
角巾小像固垂白野史巨編方殺青
宜有詩筒寄前輩使我晉鄙沾餘馨

寄熊元脩

摻別廿五月昏耄而受罔于人者多矣
詩言此繆餘後可知一笑之餘必蒙警教

愛子腹便、逢人問孝先誤傳烏鵲信
劉道白鷄年鷗社詩千首龜巢稿一編
何當重携手相卹話夔蛇

次韵酬陳庠仲見貽

鳳凰阿閣自新巢鷗鷺滄洲只舊交
百里雲山人契濶一簪霜雪髮蕭騷
恐看雨溺堦前蟻怕說風掀屋上茅
樽酒論心宜有約誰家竹裡借行庖

二

春申港上老人村家有詩書教子孫白首竟能安
叢丹心豈不合乾坤諸生問字車載酒滿地落花
掃門且喜年來忘世慮不特杯勺醉昏

又和表仲徵陳庠仲去冬所寄之作

腐州煜、螢火生枯梨紛、山蟻行可憐身病道亦
病猶喜目盲心不盲溪山相望數年別松竹歲寒三
友盟何當相對文字飲似昔盍簪金斗城

壽萬拙齋

蓬萊水淺鐵船歸城郭人民半是非且喜春秋今七
十能知六十九年非

二

天開壽域大无疆林下幽栖樂且康不須更覓長生
藥昭代如今化日長

三

芳茂山前種玉田芙蓉湖上采蓮船東隣西舍連花
竹渾是桃源一洞天

四

一襟秋水心無競滿面春風唾自乾可惜時無吳道
子畫圖專向邑人看

五

菖蒲花開香滿庭，簷旌簾旆風冷，高堂燕客作生
日紅頰紫髯，雙眼青

六

今吾故吾知不同，朱門無復挂桑弓，但得一斛蒲萄
酒，淨洗平生磊塊胸

七

金作狻猊炳寶薰，桃笙如水客如雲，榴花不用纏頭
錦也，學吳姬舞絳裙

八

燕雀歡聲新第宅，溪山佳景古丹青，琵琶自製玲瓏

曲彈與龜巢老子聽

九

拙齋之拙意何如，天賦惺惺本有餘，欲識顏魯愚魯
地一鞭希驥莫躊躇

十

舊家青氈什襲藏，西兒班衣長侍傍，人生可樂有如
此一日可比三千霜

昔人謂積憂成陰，積成雨，今陰雨之久且
多，竟不知何憂之積以致然也。淺陋之辭，姑
識歲月時乙丑夏五望後九日也

常年五月衣輕葛今年袂衣猶未脫一天陰氣凜如
秋溪山黯淡烟雲稠有時雲罅曜靈出頃刻朱光暗
如漆商羊飛來作人舞群鳩醉甚渾無語雷鼓虺
雨浪、一雨十日夜亦滂人室屋壞十八九床頭泥
淖生蝌蚪疑是彼蒼媧石裂天河水漏何時竭補天
無術正憂心水鄉之田俄陸沉常州地接蘇湖境青
苗在田知幾頃農人惜苗如惜兒苗死一時真可悲
全家老穉仰天哭天若垂怜天雨粟不然歲飢方薦
瘥里胥催租將奈何

贈時義夫

生民天降衷所性無不仁物欲肆侵蝕乃底失本真
嘉尔鴻鵠姿超然鷄鶩群里有賦蛇毒比屋含悲辛
叫閭敢徹天恩波活枯鱗老我無能為喜此聲譽聞
願言一簣進將來見嶙峋

貽呂雋

人生異禽犢秉德方寸許一本尊所生推恩篤諸父
嗟哉淳朴姿片言不輕吐去年赴叔難代服從後苦
橐餽復今年赤脚走風雨紛、蕭艾中薰然見蘅杜
顧予子若孫儔能類于汝宜從竹林遊氣習安齊魯

挽徐仲清

妙年博極軒岐書晚景晏安閭里居小山鼓桂蔚如
故大兒一官清有餘落成客散烏衣宅送葬人來白
馬車安得並騎箕尾去逍遙八極曳霞裾

夏五即事

貪墨何多禍蔓延刮毛龜背欲成羶千村萬落炊烟
斷田舍逃亡犬餓眠

寄王尚綱陳子儀諸友

起予每憶二三子投老于今九十年自是片雲相隔
尔如何尺素亦茫然蝦蟇產灶橫山下螃蟹輸芒隔
浦邊若問龜巢舊隣里月餘風景斷人烟

簡無錫華景彰

百書不如一見面此語信然胡未然燈花有約半年
久桂子已落中秋前東門種瓜抱溪甕西齋燻茗軒
山泉少游鄉里樂如此應笑鳶飛瘴海天

寄徐伯樞

東膠山人不出村南州高士之裔孫十年曾作蝼蟻
夢四壁祇有莓苔痕松分女蘿補茅屋筒引乳泉澆
藥園別來幾度屋梁月顏色宛然清且溫

寄丹陽孫秀民

翩、白鴈秋風涼紛、白蘋秋水香官河兩堰隔三

舍旅次一遠今十霜菱芡練湖秋大熟莓苔劍井夜
無光故人知我老痴否年似伏生書盡忘

懷京口俞伯鎮

鍊甕新城舊隱居江山勝槩画图如五條街口多輿
馬萬卷書中老蠹魚道合不妨鄉土異情親可奈信
音疎杜鵑花與人俱好珍重題詩一寄予

洪武乙丑秋新鄭縣學以通經荐吾孫塏移
文本縣徵赴吏部塏于六經有望洋之歎且
欲辭而不可得予以孔孟之書列乎九經塏
嘗受業故臨別示此數語勗之

猗歎古聖賢遺言存簡編孝經及論語孟子書七篇
載道繼六籍煌煌日星懸斯文覺斯民千有五百年
汝生家避兵九經失青瑣借書二三策教汝朝暮間
大哉孔孟學曾如管窺天還鄉願卒業奈汝多迍遭
竭來誰鶚薦通經乃虛傳往哉詣春官從實吐肺肝
絲麻襍管蒯博采豈舍旃天朝恩惠寬茅拔茹或連
立身報君親慎勿違至言

送楊景子以通經薦舉入京

亭、青玉桐孤生秀中林雨露得所養歲月亦已深
良工拔竒材猷作義皇琴繫以朱絲絃鼓之丹鳳吟

八風宣九垓令人格非心鄭衛化韶濩太和無古今
吾將洗吾耳朝夕聆遺音

和景子韵冬至

隱、鐘聲出景陽、生望闕賀朝忙勲名有日印如
斗舞姬今朝靴滿霜咫尺天顏春色喜輪囷雲物瑞
光長賜錢張宴宸恩厚一舉真堪累十觴

冬至後五日承郡齋文會翼早賢置醴款洽

且有贈言次韵奉酬并謝不敏

文章太守誰同樂幕府賓僚如李郭坎蛙誰信有奇
遊鼓吹敢隨東海若枯腸喜得酒一澆枵腹毋勞篋

三縛獨憐澗底老孤松春風膏雨徒優渥

初度作

重光之冬湯餅客孟光相對頭俱白吾兒樵雪中歸
來搔頭還帶詩三百詩歌熾艾壽觴舉呼崔嵬前舞
瑤翮安知此後境多乖五載家門毀双壁行年今與
伏生同兀若枯株雪霜厄樵兒遺孤主黔簿四千里
外勞相憶我昔蹉跎四方志每見桑弧有慙色願言
膏雨發孫枝先世衣冠復輝赫皇天子子賦亦厚才
散如桴樂如櫟 語言敲耳尚聞黑白分明眼猶識
四肢百骸筋力微頭容與心依舊直响噓素不學松

喬逆理偷生正何益曹橫山下青松宅含笑全歸待
朝夕山瓶乳酒如蜜甜簞箸寒魚鮮可食家僮荷鋤
且匆忙為我揮花吹鐵笛自今每日從歡伯龜巢窠
天適吾適斷送予生真上策

卧雲歌為華景章作

我昔所喜青雲人雲梯登、上星辰餘如風花落籬
溷伊人可仰不可親只今老我仍枯朽爰尔岩栖卧
雲叟白雲一壑數千畝且無租稅論升斗悠、我如
雲宗、雲伴我雲無出岫心我無洞門鎖一榻偃仰
得自如兩膝屈伸無不可布為被非難能我被以雲

如白綾木為枕吾未嘗以雲枕頭時曲肱床無上下
亦無客別有意氣非陳登飛鳶跼、自炎海夜崔總
帳清于水佳哉叟之所樂者如彼今人古人誰可擬
華陽陶隱居投簪謝朝市山中作相心未閑劉道怡
雲豈無愧華山陳處士大笑脫塵屣鳳凰銜書空往
來熟睡雲臺終不起願言學陳母學陶此身長與雲
逍遙萬松嶺上老禪衲形服雖异同清高况有煎茶
好泉水活火煎來味無比腸詩搜出烟霞語不異不
同人共喜老夫耄矣少筋力尚欲去看遊山屐細啜
月團雲滿甌分卧石床雲半席幽懷為我一宵傾免

使相望兩相憶

郡侯以蘭行年九十以詩見贈敬次韵歷叙平生以鳴謝臆

延陵野老家業儒舊壁頗有先人書童年愚鈍不努力涉獵五經多缺如二十而冠三十娶取友必端無佞諛春秋四五十餘髮猶未白顏猶朱才如襪線不知恥光範門前曾自譽六七八十成潦倒興來尚復歌吳趨今年九十常晝寢誰敢効尤拔宰予雲山萬疊作圖画松風一壑鳴笙竽双眸漸昏耳漸聵面壁宗寔如僧居為知府公特尚齒贈以大篇明月珠

老夫得之感勤渠崔躍起拜不用扶合室稚老俱歡
虞

十一月廿七日得塏口信以詩志喜并記臨別祝規之意

賣橘人從采石還口傳家信報平安路經湖北雖云遠天近雲南不甚寒佐令謹持三尺法尊君長秉寸心丹驛橋臨別叮嚀語應念貽謀作鏡看

自和同前詩于次年正月十三日附寄黔陽四千里外之官去百丈牽江舸艦安新沐恩波後日下舊家門第不冰寒洗心正在詩書澤換骨毋勞內

外丹新歲僕歸正二月家書細寫阿翁者

簡陳子章先生

身不封萬戶侯眼不識千金裘深衣幅巾避戈矛往
年零落崑山州兵餘還鄉理西疇臺笠播種襪襖收
今將蓋棺萬事休但欲服飾如前脩先生舊衣巾暫
尔可借不逢人古制素願吾乃酬飄然長裾泉下
遊藍縷免致先人羞生前相往來二老亦風流

橫山歌壽萬拙齋

橫山之巔青入雲冠冕一邑無與倫山南風景最佳
處隱居豈是尋常人此山鍾英三百載素封不乏青

璫在向來吳下避烟塵恨不移山東入海還山喜得
無崩騫種玉舊田畊紫烟雲屏正設後堂後室翠直
洒前堂前觀雲每日烏皮几灌圃有時龍井水人家
雞犬宗無聲宛若飛源画圖裡山中羽人王八百昔
日仙宮今佛宅丹砂未必駐童顏把酒看山真上策
山乎山乎德不孤靜而壽者山為徒美哉山禽知此
意石榴枝上呼提壺我歌橫山歌未了拙齋為我開
懷抱移宮換羽作新聲彈入琵琶歌更好百斛蒲萄
為傾倒

婁年作小詞或詩為萬拙齋壽癸亥夏五予

以鄉人嫁禍兒輩往崑山救之時有詩曰
予懷紫髯翁新作綠野堂常年初度日嘉賓四筵張
虛左待老夫酌我九醞觴甥孫舞鳩鴿絲竹鳴鳳凰
情與酒俱深飲量非汪洋今雨獨不至應憐走他邦
我、馬鞍山絕頂遙相望橫山一髮青隔浦西日黃
想像祝眉壽有如賦高堂

留別永懷寺長老暨表子英俞茂本通政

歸吳十載前一宿永懷寺龍鍾今雨來鹿苑廢如此
佳尔山中人法幢扶欲起清風方丈室白日靜如水
門迎老詞客問我來何自忘形亦忘年相見即相契

坐啜趙州茶並隱維摩几爐薰清我心乳供便老齒
鈎簾看玉峯山色亦為喜新知多邂逅咳唾珠玉美
白首莫逆交獨有子表子德星聚叢林艸木亦韓、

我思古先輩交許或可擬兼旬數相過倡和不知幾
庭前石榴花半落蒼苔地長揖謝山靈歸袂霑空翠

陳德廣知事以自壽之詩見示予以其灾字
韵險不和乃效唐人和意以壽之故落句如
此云

哦松未了險官去隨例放閑息更多父子一經傳有
自桑蓬初度樂如何門裁彭澤先生柳籠養山陰道

士鶩最喜孟光眉案舉捧觴嬌女把香羅

廣德喜予詩和韻見貽予復荅之即三月十

一日繁霜之異于韻聯書之非虛語也

繭紙寫來詩句好雞林傳去古人多
花開三月春如許霜落五更寒
奈何留客政須沽綠醴引年何必餌
金鷲六街車馬紛馳逐自喜蕭齋雀可羅

次韻荅華以愚見寄

九隴山東舊宅遷一瓢齋裡曲肱眠
賢如栗里陶元亮閑似香山白樂天
倡和正須歌白雪丹青何必繪
凌烟竹林諸院多才俊文會何時共酒船

哀詩

鐵船海上遠移家金斗城中巖境佳
我昔頻來桃竹杖公方新種木蘭花
書因教子時常買酒欲娛賓夜
亦賒春夢一場隨變化老夫三歎立鷗沙

東西家

東家賣兒共幽咽西家鬻妻含泪別
形容總覺瘦如柴肝胆那能硬如鐵
低田水沒欠秋租今年夏租麥
更無妻兒舍我莫怨呼我亦恐飢朝莫殂

重午日小酌

青年自是好遊者白首始知行路難
一寸芳心徒侶

鏡數莖禿髮不勝冠
貌尊偶有菖蒲酒
菘黍香于首
宿盤莫笑貧
居輕速客餘
生能得幾團圓

五月望日寄江陰陳庠仲

一別半年久相望
百里間陽春知寡和
落月見清顏
醜酒澄江上題詩
小石灣龍鍾還念我
時復夢追攀

同日寄表仲徵

申浦水東頭
悠然客馬周
焦桐絃白雪
芳草席滄洲
昨夜三更雨
今朝五月秋
有懷飛不去
烟樹鬱相繆
曹文質云
自金壇來
費延年教諭傳語
且知
告老而歸
閑居可喜
因作此詩代簡

我思故人松柏顏
客來寄藪蓬藿間
鱣堂講學竟何
老鳩杖拜恩
今樂閑清風枕
簟五柳宅白雲
圖画三
茅山雪舟未得見
安道乘興豈無詩
往還

鄭朝宗教諭以予去冬初度自壽之詩次韵
見貽予復和而贈之

憶昔予為廣陵客
兩頰丹砂眼青白
蕃禧觀裡看瓊
花坐列羣英杯
飲百無何陵谷忽
變改塌然斂我扶
搖翻此花天下更
無双毒手誰焚夜
光璧先公舊物
廣文擅家傳喜得
無艱厄抱琴來坐
杏花壇洋々古
搯令人憶青壇坐
久琴愈清君山草
木皆愉色老夫

今春辱佳句轉眼炎曦又隆赫郢斤非不妙雕鏤奈
何吾衰腐如櫟生平甚愧性聾斷老夫偏懷舊知識
孤舟野渡豈長閑一壺會有千金直合歡杯酒細論
文恨不能飛見三益江流南匯春申浦海門東入陽
侯宅河鮪江鯿鬪鮮新首箬之盤自朝夕鬻舍安如
廟堂坐脫粟甘于鍾鼎食睠我郊居樂亦然朝聽樵
歌暮漁笛忘飢相與白鷗眠送窮不效昌黎伯假令
秋至轉飢寒亦不題詩寄高適賢哉子淵可矜式陋
卷安貧載方策

六月初八日雨晴懷毛伯尚

去年五月涼颼、今年六月寒于秋重雲晝暝雨連
日田家復恐沉西疇朝來日出溫風起歲不薦飢人
共喜貧家四壁屋漏痕彷彿篆書千百字忽憶山中
人讀書兩眉白能負仲由米曾漂高鳳麥高堂養親
侍親側我衣斑爛親喜色有時諸父竹林遊彈琴詠
詩尊俎席人生此樂古來少今乃能魚兩兼得老夫
每問書帶州鄉里小兒渾不識但道墨硯池水漲苔
衣碧池水香思若人兮不能忘長林豐州春茫、青
松澗底含冰霜鯉魚不隨白石爛鳳鳥有待鳴朝陽
停雲之詩歌未足玄蟬為我聲相續

哀詩

鶴長鳧短總休悲聽我山陽笛一吹黃耳再無前日
信丹心獨有上天知送行南浦成長別歸卧東山悞
有期吾老未教僮荷鍤劉伶應笑阿翁痴

讀大誥作卷歌

天語諄、禍福靈風飛雷厲鬼神聽掛書牛角田頭
讀且喜農夫也識丁

二

一天風雨洗塵昏日月息光及覆盆雞犬不驚田舍
樂叫囂人不到鄉村

贈陳棲雲

鶴溪之水隔浦分一灣繚繞梅花村窮冬萬木凍欲
死此花歸若靈光存清如西山採薇孤竹子白於華
陽洞口隴頭雲隱居者誰希夷後人持一編種樹書
戴一幅漉酒巾有時醉飲肱作枕老瓦共眠梅樹根
有時不醉百事理可與孔公同出群青鞋布襪駁奔
走今年早春朝至尊紅雲殿前三舞袖歸來滿腹懷
絲綸諄、語鄰里切、教子孫子孫不但力畊稼微
輪能為公家勤編氓租屋足萬計雞犬不驚安老親
短檠燈火讀大誥喜色夜、燈花新甌筭滿篝秫田

熟歲釀百榼醱醱春親勿盍簪坐常滿湖鮮日擊豐
盤食胸中不着愁半點雲夢八九能鯨吞東隣西舍
靜如水夜無催科人打門安居樂土有如此何異武
陵人說桃花源老聃戒知足願言尊所聞濁水膠可
澄清鏡塵乃昏秋風挂席一相見此意吾將三復論

贈周彥英

象賢有子付青瑀家住城西綠水邊門柳數株同舊
日公租萬斛喜豐年試聽濯足滄浪曲應笑燃臍鄙
鳩烟朝夕酒盃長在手優游身作飲中仙

簡王尚綱

不笑幡然謝九流牽車服賈思悠、醉吟人老香山
社詩到雞林價重不

贈唐伯遠

西北風高寒露零牽蘿補屋健柴荆看雲長日烏皮
几夜、教兒讀孝經

示孫壇

龍門一躍去年秋徑看青袍赴遠遊半部魯論堪輔
世政須忠盡繼前脩

二

黔陽江水不勝清喜得居官濯爾纓秦鏡照人肝胆

見邑民應在鏡中行

三

黑頭勲業志方雄
黃耳書歸見面同
斷織機中垂白
母抱膝時復倚門東

四

春雨秋風歲又寒
翁年近百足蹒跚
橫山菽粟東洲
水多在行窩樂考槃

初冬感懷令垣書所居屋壁

在昔陵谷變海上十五霜
歸栖失故隣乃落劍井傍
百指雜荆棘耰鋤破天荒
東洲釣月磯橫山樵牧場

一葦去復來十月新稻嘗
携幼入寢門淒然北風涼
吾兒婦孺居吾孫官遠方筠籠
鶴何之盆菊華自黃
跛倚赤藤杖終日徒張

初度茂以為樂杜撰古樂府三章而令諸孫
誦之老夫聽之比之挽歌者歌蒿薤于柩前
豈不樂哉

龜巢老人忘食貧歲時強欲娛賓親賣琴沽酒作生
日罇鷓鴣爛蒸鮭菜新承歡幸有斑衣人君不見古人
云酒杯不到劉伶墳杯行莫厭頻

二

龜巢老人貌不揚觸邪之性如神羊生憎巫覡煽妖
妄疾視聃竺墮網常老無能為龜六藏滄浪曲窈窕
章有時擊節呼兩郎男兒當自強

三

龜巢老人年紀多雞皮雀髮背橐駝金丹自古無足
信鐵硯如今亦不磨坐待蓋棺歸薜蘿春有相卷有
歌此時不樂成蹉跎殘生有幾何

樵海歌為秦文仲先生作

出山志云遠樵海名非誇老夫素相知高風真可嘉
早年欲伐廣寒桂增月清輝燭天地又欲會稽雲夢

伐箭竹人無戰鬪遭鋒鏃汗青六經天下讀此志遠
蹉跎林谷俄變改青山樵侶集如雲一笑飄然入東
海任公舊日釣魚處樵屋相隣鮫室住扶桑若木有
餘薪且喜路無荆棘慮水底珊瑚樹亦多尤物不堪
開眼覷樵擔弛樵斧歌濯足滄洲弄明月興來擊節
和龍吟唱我海樵歌一闋也不學負薪讀書朱買臣
也不識卧薪嘗胆是何人白螺為杯大如斗青苔席
地軟如茵有時爛醉枕斧柯睡到日高三丈猶曛
夢魂不到長安市長安市上多羈旅米珠薪桂莫能
賒多少伯桃寒餓死孰知海樵之樂有如此

寄溧水開福寺長老源別流

客有溧陽雲水僧相遊曾得問南能九重日月息光
近一壑烟霞道氣增龜紐肘懸新賜印塵談語續舊
傳燈別來老病時相憶欲覓金篦刮兩骨

悼徐孟銘

讀盡岐黃上古書幡然讀律應時需一官再調炎州
幙二豎交攻瘴海隅賴有故人收白骨歸來鄉國瘞
黃壚杏林花落紛如雨何對哀啼五尺孤

臘月十六日夜篝燈作兩書言不盡意夜半
後歌枕對月口占言懷命兒輩錄上耕學伯

齡元脩三先生南澗海萍二講主清真一鍊
師暨諸吟友

照天蠟燭徒明月縮地神仙是子虛九十一年殘臘
盡二三百里故人踈詩成唐律傾懷抱書托吳儂問
起居老我形容都變改依然貧似馬相如

任義甫生日作絕句四首以鰥居無子貧病
為憾予乃以理釋之誠如吾言則不必怨天
尤人而處之泰然矣

兄有遺孤骨肉親堦庭玉樹一枝春駿奔籩豆非無
主傳襲箕裘未是貧池有紅鱗堪入饌杯浮綠螿可

田人高年已過磻溪老每日歡娛每厭頻

贈蔣居士

全家欲學老龐禪木榻蒲團夜不眠誰信室中靈照
女出門先上渡頭船

贈袁居士

羹牆欲見老瞿曇貝葉書中日夜忝布襪棕鞋門不
出一盃蔬食勝肥甘

正月既望予奉陪邑長貳置鄉先生之祠于
學釋菜而歸兒輩謂故人楊澤臞過訪臨別
作長短句貽之余因口占以記鄉校盛事并

寄楊為後會之約云

喜聞邑有絃歌宰哦松之丞更文采翕然敬我鄉先
生祠諸學宮儼如在區、後學尊前賢駿奔執籩問
耄年深衣幅巾拜祠下燈月交光星滿天扶億歸來
語鄉曲此事真能厚風俗安知好客過柴門載駁問
字成虛辱吾兒不識冰玉壺但言此客從前無醉墨
淋漓洒白雪沂雩興與曾為徒老夫此興亦不淺尚
怯落梅風剪、少頃一百五日来蘭皋蕙畝光風轉
三山湖頭舴艋舟百花莊上逍遙遊朝陽碧樹自鳴
鳳湖海詩盟尋白鷗生平頗恨少知己晚有奇逢寧

不喜朱絲重繫焦尾桐請為鍾期奏流水

水田歌、農務也郡縣之政租賦為急然農務乃租賦之所自出可不急于首言三山書所見也一府四縣意在其中惟當道父母官念之易荒有詢更當面陳其詳以備採擇

三山湖頭白水田頽岸不脩年復年田家豈不憂卒歲十室九空人索然飢腸雷鳴狀如鵲春來怕聞啼布谷頽言州縣父母官喻令蛭足憐夔足古云民事不可緩桃花雨晴春正暖文移動若風有穀畚鍤集如雲不斷三農畎畝合群力四邑溪山增喜色麟史

重書大有年官無負租人足食龔黃卓魯政績成一
日九遷皆上卿天子萬壽黃河清聽我老農歌太平
無錫昇佛像由暨陽而來鳴鑼鼓豎旗蓋儀從僭侈家至以禍福惑人取粟帛無美東洲
任耆老沮之巫不遜被毆且以杖塘木偶幾
躡而後去隣莊有王氏者撻而逐之予聞而
喜乃力病援筆書此以美任并異其義理之
勇云

梁公毀淫祠真是霹靂手胡公能打鬼近代亦希有
區、辨惑編或有蒙醬說潦倒東家丘忽爾發哮吼

老拳毆祿巫拄杖擗木偶西村一壯夫怒挺擊群醜
捐袍偃旗蓋脫網兔疾走時予病中聞病去什八九
勗哉爾東家內省宜弗疚報本理所崇毋落豺獾後
一正勝百邪昔賢同不朽

題打球圖

擊鞠流風自李唐官家占作狀元郎科場廢盡球場
在芳艸萋、幾夕陽

清明後一日邂逅薦福寺長老源公話舊論
詩意甚相得明日作此詩代簡

貧如南阮甘投老喜得西枝近贊公白足有僧聽說

法江梅無閣坐觀空詩成芳艸斜陽外道在殘山剩
水中一笑相忘今古意清明時節舞雩風

沈德麟母哀詞

怪底吳霜二月繁一朝摧折北堂護母儀表、真堪
画吾輩區、豈易言斷織機中多教子分甘膝下並
呼孫慈顏最有難忘處獨倚蒼茫日暮門

洪武丁卯年詣烈塘祖墳祭掃恐朝暮即世
子孫不知所葬者為誰且追念墓松在昔為
邑里諸宰木之冠感愴寫情并圖葬穴以示
兩子及孫使識之以永其孝思

百年兩度桑田變三世十年萬里同華表前時曾駐
崔長松何日再蟠龍情鍾寒食蘋蘩外泪洒春暉艸
莽中老我客鄉歸不得空勞杜宇喚誰儂

次韵荅江陰鄭教諭見寄

揚子江南山水奇杏花壇上畫陰遲魯魚亥豕讎經
史江黃河鯀閼歲時兩邑相望三舍地九年凡寄數
篇詩恨無縮地仙人術把酒論文醉不辭

葉道人遊仙詞

海變兮揚塵翦若木兮風斤醫拘人兮寓世仍猿崔
兮同群冠切雲兮霞佩雜三秀兮蕭艾從喧囂兮萬
籟聊遊戲兮方之外混兮和光忽蟬蛻兮坳堂陵
虛空兮轆渺茫一瞬息兮三千霜吾不知其果何適
兮祇死守乎康莊

輓萬拙齋

曹橫山下萬家莊喬木陰、夏亦涼法曲琵琶彈鐵
撥高堂窈窕捧瑤漿素衣忽被青蠅汚赤手幾遭猛
虎傷賀客未還來弔客老夫双泪洒淋浪

閏六月廿九日飄風動地自黎明掘起破屋
板樹衆皆驚惧至夜方息次早予追念疇昔
愜然作歌

三家村裡老詩翁，獨木橋邊一釣篷。
敗壘曾聞屯狗寨，荒湫猶說是龍宮。
勢頃東海前年雨，力撼南山昨日風。
可笑生來誇壯膽，兩番如阮哭途窮。

葛節婦

節婦家住崑山陽，芳年二十良人亡。
呱呱兩兒泣蘭房，一在襁褓乳口黃。
塵昏破鏡無復覩，孤燈相伴慰淒涼。
霜風自冷木自落，辟纊不知秋夜長。
重門深閉四壁立，衰麻泪濕三年喪。
維時率土皆戰場，疇能訓兒知義方。
熊丸在篋螢在囊，呼兒叉手立侍旁。
魯論二十篇，孝經十八章。
阿母授讀聲琅琅，母不姑息兒

能自強。從師不出鄭公鄉，腹笥有書牙頰香。
朝夕悅親萱州堂，母今年踰五十霜。
菽水可歡時且康，觀風使者恐未知。
邑有野史揚芬芳，玉斧父老來比德。
衛共姜我言共姜無此兩兒，即哲哉此母非尋常。
曷亦作歌與史相激昂。

寄清真觀提點余復初

祖餞昔年詩最好，客來今雨話玄都。
步虛壇上三花樹，讀易窻前九節蒲。
恬養氣同龜息靜，清脩容勝雀形癯。
儒林老友表真士，曾道區、折簡無

代簡吳中衡

一夢今年一去年
兩番相見兩相憐
牽蘿補屋仍徒
壁賣藥脩琴又斷絃
隔浦夕陽紅樹下
淞江秋水白鷗邊
何當載酒乘秋興
來往風流似雪船

寄題詹伯遠蘿屋

大車方檻、小隱自寮、門掩牽蘿屋
溪懸挂樹瓢
一從滄海變屢却小山招
隔浦居相近城闔路匪遙
洗心常翫易忘肉似閒
韶苔徑春風掃瓜田夏雨澆
姓名編令甲踪跡混漁樵
蝌蚪藏書種蟾蜍作研僚
訓兒燈火夜飲客歲時朝
清白真能守緇黃不妄交
苟為田野樂老此聖明朝
寄語青雲山巢由不見堯

雪中遣興

橫山崔髮翁小菴
龜頭舍一爐置中央
四壁塗縫罅
晨粥食近午晝午閑
如夜舉足手扶杖
縮頭頭蒙帽
拔木飄風靜宜麥
大雪下公家租賦畢
農圃犁鋤暇
沽酒黃公壚分肉陳平社
有時聚親戚談謔弄杯竿
有時呼子孫舉蹈歌風雅
舊竹幸平安孤松正瀟洒
一笑謝梅花騷無補亡者

贈張鍊師名善淵

我昔諦觀韓子詩
春秋書法風雅辭
九流有家蘭鮑
雜直筆褒貶非無之
高山道士姓張氏
大篇春容獨

稱美嘉乃丹衷敵赤墀欲撻羗夷安晉鄙天顏咫尺
千里同母氏連環來夢中忠孝並存方寸地翩然歸
袖舞春風淵今同姓復同道愛親又與同懷抱靈脩
未得一品題廉菴竟混金光州嗟予學韓年近百吟
骨冰清頭雪白內交豈無黃與緇轉首多成兩塵隔
淵乎淵乎識道理潮州老僧差可擬敬白衣山靈起
舞烟霞喜

悼大林菴主日公

三網掣斷駕三車一笑今朝喜到家方外旦評喧衆
口淤泥藕出白蓮花

二

熊耳峯頭有客歸相逢還着舊禪衣五山十刹都傳
語莫遣閑雲出袖飛

三

憶昔雲林訪舊遊空堂六月靜如秋焚香坐說西來
意門外青松亦點頭

四

一住橫山二十年山中木石盡通禪老夫載雪重來
日誰折梅花送上船

輓無錫王

龜巢遺稿卷之十七

門無車馬送迎忙
身混泥塗寵辱忘
澆火有時持鼠
布濯纓何異在滄浪
九龍山下青丘對
雙鯉池中碧
艸香生子賢如黃叔度
牛醫千載並流芳

感事

草暗日欲落
山迴路轉賒
叔敖呼不起
誰擊兩頭蛇
二

蹊田牛奪去
仗馬令肥安
立得春秋筆
公然決是非

邀舒文允小酌

春秋連兩年喜事
忽今日佳期
一百五有菜
二十七
呼孫貫酒尊
速客聚圭華
風迴落花舞
雲開遠山出

鷓鴣蚌自相持
鷓果誰失鄉
無月旦評世
乏春秋筆
長揖謝知己
永言保貞吉

題秦仲暘雨竹

湘水之陽湘水陰
鷓鴣散中雨
冷、此君一別知幾
載別後桑田變滄海
客來今雨重
相看歲寒風節依
然在餘事不須多感慨

送徐士方之登州黃縣學教諭

世態趨炎素所憎
校官應喜冷如水
絲桐散續龜山
搯膏火光分海市
燈大釣六鰲將有
高堂三鱣豈
無徵寄書黃耳還家日
莫惜題詩貺刻藤

觀音柳

肉髻珠纓自在身何緣化作柳中人
三眠未足風扶起似怯春寒翠黛顰

羅漢松

余素拙于詩至咏物則其拙尤甚故昨郊諸公
賦觀音柳松陋可笑今又聞有羅漢松可配前
題再用出醜益欲刻畫無益變愚為美勿徒笑
其醜云

十八羅漢十八公前身後身將無同一行
九里西湖路應供誰家去雪中

次韵荅鄭玄齡見贈

青年肥遁方求志白首貧交獨念予
開徑掃花僮起早敲門看竹客來踈
匣藏神物蛟龍劍架插古文蝌蚪書
風雨一春門不出門前車馬自紛如

宿僧房澹泊齋

鐘鳴雨樓風滿天金猊吐盡旃檀煙
誰知林下一宿覺我有石上三生緣

懷郡城諸親友

余生篤親友平居數相頌老去筋力疲
此心尚如故年一二三月晴暖入城府
沂雩童冠俱所樂隨所遇

安知今年春十日九風雨甚疑媧石漏無石可脩補
一榻高堂氏四壁蝸篆古床頭丹茵出青苔洒庭戶
群芳狼籍盡來年半紅霧我耳未全聾聽之亦良苦
賴有二三子時復共尊俎或歌竹枝詞或賦梧桐句
鑑鏘迭唱和所樂勝鐘鼓歸舟挂晴帆快若馳馬去
圓天青銅新淥漲南浦候門童穉奔滄洲舞漚鷺
我、屋上山厯、山上樹白石喜不爛且無泥滓污
不見黃初平散卧羊無數尸坐對烟霞神交憶支許
何時松葉酒薜蘿德星聚瞻彼片雪兩援毫抒情愫
賀太平寺講主

生公坐擁點頭石野老未聽蕉尾琴祇樹獨園春又
夏雜花千界古猶今壁無畫水傳竒跡塔有風鈴作
妙音安得剷除双眼膜時陪杖錫一登臨

感興

四月初九自城中抵家得前四句後句
日足成之

兩月眇昏耳又聾僅存方寸古秦銅忘機自得親鷗
侶含弩從教伏射工百越溪山詩枕上四時風月酒
杯中惜春無奈春狼籍頻遣蒼頭掃落紅

端午懷古

五月五日追前賢九歌九章鳴素絃鮫人應泣魚腹
羹龍伯合贈龜毛瓊招魂感舊痛梁壞反騷媚新圖

瓦全楚天盡處卧遊去艤舟醉月羅江邊

西塘詩為郭彞倫作

具區北東三千里家住西塘水之涘滄洲不浣軟紅
塵一鏡波光照寔几西塘本無風物奇有功于民
稱之早田沾溉數百頃苗無槁死年無飢非湫非壑
非瀚渤不為蛟螭作巢窟輕舟往來快如馬撥掉人
如執鞭卒東隣西舍雜漁樵朝出暮歸歌且謠白紅
荷花紫菱芡荏苔蘋蓼蒲蘆芡高齋讀書歲年久鍼
經一編常在手客來問疾或問奇拄杖挂錢船載酒
人生有此林塘幽不妨未老先菟裘地因人勝從此

始千古萬古芳名流

端午後雨阻過詹氏蘿屋即事賦絕句二首

代簡

風打船頭挽不前船回雨點大如拳請看六日蟾無
用且得爬沙手脚全

二

瀕溪數家風景幽溪流過門東轉頭黃梅雨少麥大
熟買布輸官可不憂

人面馱懲元惡也惡不可縱天不可欺故作
二詩以懲之

人面獸長七尺人衣冠人飲食面有七竅皆人形猛
獸之人心莫測生來害物固不少群居猶自藏牙爪
一朝忽欲咬殺人豹麀熊文皆驚倒

二

人面獸聽吾語一人受害一家苦爺娘妻子令失所
殘忍胡為至如許人言汝性多陰毒中汝毒者悅汝
目快汝腹汝心方饜足嗚呼馮婦或再生獸乎獸乎
勿橫行恢恢天網布八紘莫道網疎可漏天聾盲

追悼諸葛用中

諱端幼年能寫大字既習舉
子業學琴表子方先生之傳
父號德齋晚學道創清微觀

揚子江南疇曩日呂蒙城裏一文星科場早試程朱
易玄學旁參道德經愚與通家心甚赤賢能知己眼
常青州生書帶人皆喜竹作詩筒使不停着處溪山
朝酒有時雪月夜揚舲卜隣晚欲從王翰分席尤加
敬管寧一谷且陵驚變改十年兵火苦飄零扣門幾
誤風敲竹泛宅長如雨打萍天上玉樓俄有台月宮
娥藥竟無靈細君冠佩全貞節先世箕裘祝寧馨名
溢東吳滄海國魂歸北固白雲屏兩家相去百餘里
一老今踰九十齡聯句每懷吟石鼎聽琴頻夢坐分
亭柱題應有能言雀擬踏秋風去一聽

寄鄧秉文

曹橫山下聲叟呂蒙城中放翁何夕舉盃邀月中秋
鼓柁乘風

二

鍊柱碑砣二老璿霄沆瀣三更絕口不談時事掀髯
聊叙平生

寄陳彰遠明遠兄弟

金牛臺下帶經鋤長缺無聲食有魚兄弟五人雙壁
在箕裘三世一塵居中秋明月最端正長夜浮雲或
卷舒覓得梯上天去同將物理問何如

寄辛至善

青年即着遠遊鞭白首仍居小市塵寂寞蓬蒿三徑
在辛勤父子一經傳奔牛堰下水到海射虎亭西山
挿天我欲抱琴尋戴去中秋相近月將圓

寄清微觀周石泉

塵揚滄海廿餘齡真館翬飛歷慶亭風掃劫仄南土
樂天開圖畫北山青丹砂九轉龍蟠鼎玉漏三更鶴
聽經諸葛仙翁呼不起正須金石播遺馨

三笑圖

簡寂先生五柳翁襟期遠與遠師同過橋相送忘相

別千古風流一笑中

風雲雷雨画

芸、萬物生蘧廬葢、元氣橐籥吁偃示拔木有未
會請君細讀金滕書

二

漠、閑雲淡、容不為蒼狗未從龍直須霖雨功成
後依舊還山伴赤松

三

金電光中霹靂飛殘臣胆落震驚時雲收雨散青天
出能聽無教有阿誰

四

誰挽銀河沃太室思沾赤地洗蟲、陰、燮理天家
喜都在丹青筆意中

野雲歌為王元一羽士作

山中之雲歛蹤跡空谷深藏伴泉石從龍之雲雷電
俱四方行雨勞馳驅飄然一片雲在野者未最是悠
悠者或舒或卷無朝夕南北東西隨所適道人含笑
松下坐我即是雲、是我

買臣讀書圖

噫予會稽守素行何卓絕采樵工或餘誦讀聲不輟

青柴擔頭春赤脚林下雪富貴知有時妻子從改節
高風一如此後世誰可埒吾將訪遺踪更得探禹穴

薦福寺紅梅詩

紅梅閣事見毘陵志等書康溪詩話載程致道
詩有春風日浩蕩醉色回冰肌之元末句兵燬
今本山釋源公竺淵恢復舊業重植茲花予

詩記之

紅梅閣下梅花樹陵谷交時風拔去堯峰老禪歸故
山覓得孤根栽舊處年年春到花時節一株五出胭
脂雪春風笑面歲寒心光塵混融風韻別老禪道服

忘妍醜品題假我扶犁手黃州定慧海棠花可與齊
名傳不朽月香水影象王宮雜花世界齊無同幾度
拈花有人笑吾將請問瞿曇翁

源竺淵以道西傳等和予詩亦蒙見贈且云
臨字等韵難和予由是復次韵酬之

支許論文世所欽昌黎亦聽穎師琴深山大澤多遺
逸明月清風無古今閣下梅花桃李色庭前柏樹海
潮音寫容代有丹青筆電目誰能一照青

獨孤公檜詩

唐獨孤憲公為常州刺史時有手植之檜今見

諸郡志等書元末樹燬于兵至此二十餘年為
州民者宜再植以寓思賢之意况有周鍊師為
松菊主者乎率爾口占呈乞諸措紳先生更唱
迭和相與贊成亦庶乎厚風俗云

憶年十五六好古尊前賢初聞獨孤檜快覩曾爭先
蒼然一株枿舊根皴皮錯節枝葉蕃迢迢夜雨半身
濕疑是往年甘露痕孔明廟前柏相似乃在陳司徒
廟之後園鄉來陵谷忽變改化作劫灰飛入海神焦
鬼爛救不得桐鄉自此無光彩幸存一曲闌干石題
公姓氏畝遺跡石爛苔斑土花碧相伴銅駝卧荆棘

余從海上避兵歸幾度摩挲長太息懷哉古之人好
賢竟無窮咏甘棠愛召伯賦萊竹美武公憲公此樹
堪比隆後人寧仰不高風玄都道士桃千樹一檜區
區豈難措龍鍾野老及群英亦愧因循坐遲暮檜乎
檜乎重培植風枝相樛霜榦直邦人具瞻仰遺德見
樹猶如見顏色六百二十五年如一日

題牽牛圖為丁學古作

不放桃林不飲池何叶唐牧兒牽去意如何南山石爛
今非昔窳戚無勞扣角歌

題鷺鷥便面為丁學古作

潦倒滄洲客蕭 白鷺詩牧之呼不起此意少人知

出門

老去多懷舊興來時坐馳出門窮鬼笑罄室故人知
野飯新菰米詩囊古竹枝諸孫溪上別矧、問歸期

題僧網澹泊軒

我愛淡泊軒山居城市中雲分半間許雨涵四壁同
風林金石聲道人冰雪容澹然味無味泊然室不空
露坐點頭石雪立摩頂松吾徒幸相與吾道喜不窮
一笑兩忘言落花舞回風

江山漁樂圖

數口妻兒網一張船為家舍水為鄉江南江北山如
画欸乃聲中送夕陽

崑山王有恒以書附常州天寧寺長老寶公
問予近况作詩答之并索諸友賦重植獨孤
檜詩

客從笠澤來常郡書到橫山問老夫哭子哭孫家已
破賣書賣劍酒還沽千墩每入龜巢夢十月應開馱
炭爐支許舊遊煩寄語肯題唐檜和巴歛

黃林屋許贈皂布巾至戲作此速之

霜倒蓮葉巢老龜寒縮首欲裹紫布巾并澆瓦盆酒

此酒今已熟此中曾製否抱膝梁父吟炙背坐南牖
老况知音誰橫林隱居叟

贈天寧寶滄海

臨濟雲初幾代孫猊床說法象龍奔庭前銀杏西來
意陌上銅駝東郭門四海共沾新雨露一舟能泝古
淵源田衣人遠衣何在別有伽黎遺後昆

悼城西周彥美

七十六年事梨花夢裡春家傳三代禮身作兩朝人
負郭田園樂連雲第宅新

麒麟

二

三槐堂上客

多最青春吐酒常憐我奕棋勝人
竟作白頭新醜酒橋玄墓潛然為泣麟

寄饒州鄱陽縣唐生

千七百里鄱陽縣外孫書來如見面九十三歲龜巢
翁中宵夢得重縫線詩瓢山人來上游吾將結社招
馴鷗延陵昔日繼三讓野水何處無孤舟貧家幸爾
年穀熟買書教兒耕且讀梅花無恙竹平安歲晚無
勞念窮谷

和舒文允見貽

冬至經旬久朋來喜踐長市沽双木榼踞坐一藜床

小酌成歡洽，閑愁付杳茫。山無白石爛，谷有紫芝香。
淡泊聊相與，辛酸已備嘗。盡消湖海氣，莫放斗牛光。
所貴心能直，何慙貌不揚。聽冰狐自惑，吠雪犬何狂。
歲晚鷗盟在，生平蟻夢忘。酒堪澆塊磊，袖莫舞郎當。
西崦黃茅嶺，東洲白水鄉。漁樵同此樂，吹笛送斜陽。
夏五訪一舟，禪師臨別立。銀杏陰中謂予曰：
山中舊物什，喪八九。唯此木，幸無恙也。宜蒙
品題為天寧勝槩，使居山者亦預有餘光。余
謝不敏，然心嘗許之。故茲口占以頌人物具
并之美。

一箇虛舟，渾不繫千鈞重負。力能任金園地湧靈光，
殿銀杏天生，雙樹林佛印衲裙坡老帶。昌黎詩句，穎
師琴禪林勝事，無今古。况爾庭前好綠陰。

挽曹子毅大使

早歲輕肥，試采榮一官。三載繫塵纓，解龜便作幽栖。
計瓜圃東門學邵平。

二

桂子初生，折嬾枝青。粘舊物，遂陵夷竹林小院，親調
膳。何異慈烏返哺兒。

三

生來不鑿混沌竅此去竟作逍遙遊回頭一笑看鷓
蚌未到釜鬻誰肯休

洞庭胡敬之以予父執之交歲饋新橘凡十
十有餘年感無以報遂用作歌

湖山清氣鍾而翁生兒亦有古人風年、送橘拜床
下甚愧我非龐德公今年霜落洞庭早橘熟生于葑
田稻青衣童子黃金丸樹頭摘來霜未乾儂家食指
百三十分甘喜得皆波及嬌痴堪咲兩曾孫手弄金
丸口欲吞阿翁老饕三咽畢教孫食之還自喫一枚
一枚復一枚翁有咲聲孫亦咍枯腸久似長卿渴甘

露適從仙掌來楚江萍實不可得華峯蕩亦無人識
冷比雪霜甘比蜜此句真堪題此橘韓子之詩今代
無借作報章揮我筆懷哉故人家洞庭七十二峯環
翠屏洛陽秋風塵滿城莫能污爾雙鞋青南山不爛
黃河清正湏坐閱三千齡山中舊識多奇英煩道老
夫多寄殼

紅梅

前代支郎亦異哉白雲堆裡植紅梅樹經劫火多番
換花向春風二月開隣舍杏桃渾赧色禪枝艸木絕
纖埃一時想像題詩去別日尋芳載酒來

歲旦言情

去年元日兩眉攢懷抱今朝頗覺寬
一夜雨聲曾不絕五更天氣只微寒

二

曾孫盃捧屠蘇酒冢婦厨供粬粢
盤最喜催租人不
到田家雞犬得平安

寄盧長嬰次農

我昔東吳諸故人二難青年才出群
爛眼如岩下電英氣作山中雲
一經旨趣熟儀禮六書偏傍宗
說文無由縮地即相見晉鄙亦得沾餘醺

寄辛彬甫

五鳳添脩助益箋雙魚書尺竟虛傳
桃符忽爾三年換木榻如今兩膝穿
南國鶯花春甚早東洲雞黍約
如前好來同賞元宵月莫返山陰訪戴船

和毛伯尚雪中登塔

一夜雪深三尺許江南江北久無之
躋攀雁塔最高處想像洪荒未判時
時光動山林搖玉樹氣涵湖海湛
瑤池僧坊或擬天花雨田舍皆占隴
麥宜黃竹無歌良可喜清河有頌不妨遲
八千里外多遭恥十二街中欲訪誰
白戰正須遶敵吟長手聊復解人頤
凭欄

細聽風鈴語似六知音說好詩

壽諸葛節婦

憶昔梁鴻歌五噫孳家避兵東海滙玉樓有夢上天
去孟光無復案齊眉旌旗滿眼愁滿腹抱兒日夜吞
聲哭沙湖岸竹似湘江泪痕斑畫依、菜呼天籲地
吐丹衷柏舟之誓共姜同桑田變海得歸路慶亭故
園榛棘中教兒服勤能構獲青瑣舊物兒堪託星冠
霞佩蕊珠經萱州堂前樂吾樂春秋六十有八年時
人喚作女中仙麻姑送酒作生日双成獻桃紅且鮮
高堂長夜照明月何異嫦娥廣寒闕不勞白兔搗玄
霜真備自有長生訣仙家歲月我不知我來為作節
婦詩他年烈婦傳中寫千古萬古芳名垂

予前詩謂獨孤公檜在陳廟蓋圖經所載及
予親身見之一日郡人徐孟曾問曰唐刺史
為一州之主手植之檜宜擇公廨美地表而
出之衆所共瞻何寘諸陳廟之後耶予曰按
唐書德宗朝徙公為是州刺史去梁公毀江
南淫祠之日未久無陳廟也唐衰禮廢淫祠
寢興迨五季禮法大壞叢祠之神類加尊號
陳廟或肇于唐末而盛于斯時今荒園廢沼

安知非昔日驛亭傳舍予歷宋而元皆無改
作故翁卷之詩有曰托根陳帝廟應不慮樵
夫其意不以此木為不幸而反以為幸也可
勝歎哉孟魯然予言遂植檜舊所予亦恐前
詩為人口實因復此首詩

獨孤之檜化烏有庶士重栽倚碧潯遺德一州人眷
眷流芳于載樹陰、霜根蟠入龍蛇窟風葉响成鸞
鳳吟願若甘棠無翦伐報公疇昔愛民心

寄聰上人嘗托補楞伽經就用索之

杖杜之歌落九天石尤風轉送歸船長洲茂苑渾無
恙翠竹黃花搃是禪眼孔不教迷土苴耳根常得洗
風泉貝多葉上楞伽語脫落應能為補全

題頽師道樓居晴空圖

山屏顏雪爛斑飛樓縹緲倚層巔水晶榭題白玉闌
樓居之人應列仙金烏出海飛上天藍田瑤草暖生
烟誰家馬上郎意態清且閑既非謫官遇雪阻藍關
又非春風得意遊長安摩挲老眼仔細看乃在櫟里
先生圖畫間

碧桃贈呂城壩官應孟恭

猗、谷中蘭鬱、澗底松我愛之二物幽尋度亭東

路邊碧桃花淡然無冶容吾知所笑者群芳鬪青紅
本來天上種有此林下風

老况

哭子三年孫兩年一孫戎服又西川秋風茅卷藏書
屋春雨苔荒負郭田堪笑平居能護落誰知末路竟
迤邐空林樹折烏巢毀奈爾孤雛失所天

雨中期辛彬甫不至兼憶兒子林孫塏等一

時口占

重尋戴逵興不遠雨過蘇端意甚濃若使西賢生並
世浣上溪上我遊從

二

一雨能生五月寒三杯欲釋兩眉攢那知酒入愁腸
去化作潸然泪不乾

謝饒州周氏甥孫女惠鞋

昔領軍一屋之鞋未聞有惠人者今唐伯亨室
人製双鞋遺我于一千八百里之外其親愛之
心可謂篤矣然則苟非伯亨之真其室中之人
安能遂其心哉區、報章豈忘所自故首其說
如此

濯足泚湖寂寞濱寄來双屨瀉絲新何當化作飛鳧
龜巢遺稿卷之十七

去謝汝慙勤念老親

贈盧長嬰次農

憶昔盧兗州生有古人風
病世禮俗壞或與禽犢同
遺經授子姪世業令專攻
騎箕去不返象賢躡孤踪
平居迭師友砥礪相磨礱
東海雙南金豐城兩神龍
含光若暗投天將振儒宗
叔孫自綿蕞習禮成治功
潛心對黃卷儼然見周公
妙理析秋毫百世開群蒙
追攀大小戴旁參鄭司農
復有書帶艸匝地生婁東
顯親垂令名永言報而翁

寄南宗僧綱

大空寥、雲自浮、驕陽蟲、金欲流、白生一室靜如
水清坐六月涼于秋陽羨好茶田客共獨孤多檜賦
詩不官樣文章祖蒲室正須述作贊皇猷

寄一舟禪師

葱、雙樹林井、百丈規欽、响鐘鼓棗、慎威儀
空庭苾芻艸淨瓶楊柳枝滿眼皆祖意此身丁盛時
熱客不相過清風甘自怡或翦葛藤話竟織駢麗詞
陵谷變未久山水知音希我本六日蟾示同五總龜
儒墨各有趨支許交忘機眷言獨孤檜曾覓一二詩
禪縛想自急詩筒未乃遲南風非不競北山何用移

請拈木球子聊作遊場嬉

寄講主法師西傳

懷哉久別廬山遠奈此相望去路賒
婁夢丹梯同上塔每田清話竟忘家
芭蕉手種繡經葉菡萏池開結社花
三伏不嫌人襜襪一肩偏袒佛袈裟
竺書自早探三藏緡帙如今載五車
方寸靜涵滄海月文章光炫赤城霞
尚憐老馬能知道更喜神羊解觸邪
早晚蓉湖秋水碧定期濯足過漚沙

懷詹伯遠

科斗殘書補未全齋居一榻坐來穿
稻花透屋白如

雪溪水出湖青接天氣益不來騎馬客
漚鳧長傍釣魚船多時欲問平安信
伏日題詩寄竹邊

寄贈岳陳齋

一書曾寄訪行窩百里相望阻渴波
陽羨溪山無恙否延陵風俗變來多
鸛鷓夜集連雲屐荆棘叢生駐馬坡
尊酒欲懷千古意中秋蘿屋候經過

二

南山爛石無多在東海揚塵又廿霜
奇字盛傳揚子學德門誰表鄭公鄉
秋高丹桂花纔發閨後黃楊樹必長會
有龍蛇生大澤流芳竹帛繼先王

寄薦福寺源竹淵

青門薦福東堂老，白首默誦西方經。有時適興倚梅閣，無復談禪坐柏庭。解夏欲隨雲水散，立秋恐聞風葉零。老禪心性一如此，說頂會有伽耶鈴。

寄贈呂城羽士周石泉

仙風飄、天骨竒，不睹爾髮黃。爾眉兩塵海上鐵船，渡九折道傍。金狄知松花釀酒，常留客竹籜裁冠。自賦詩不解腰纏，要騎霍道人，應笑俗兒痴。

索居無聊，自七月既望至中秋前九日，腹稿得小詩十首，不追琢，不詮次，大率皆眼前事。

無遠興也。然胸中芥蒂有消釋未盡者，或見于詞可矣。

我愛青山爽氣增，青山侶我骨稜。半年不踏山前路也，學禪居結夏僧。

二

一昨病暍思清秋，來兩旬熱未休。堪笑荒唐野人語，天公不遣火西流。

三

詩腸頗壓木雞肥，老齒方便豆粥稀。今雨客來如舊雨，多情獨有兩烏衣。龜巢遺稿卷之十七

四
蚊蠅屏跡去何之
烏兔循環度不移
一雨夜來涼可喜
家、水滿養魚池

五
十里山開翡翠屏
三家村裡老人星
無塵竹徑風還掃
徒壁茅齋夜不扃

六
魚自浮沉水自流
釣船閑繫小溪頭
朝來賴有盃中物
忘年連却日夜憂

七
阿翁眠食龜頭舍
兒子耕耘犢鼻視
記得孝經刊誤本
尚能口授教曾孫

八
床頭鬪蟻取人憎
壁上粘蝸失自懲
螢火光殘小兒手
誰憐堪作照書燈

九
涼風騷、艸木黃
初月皎、更漏長
洛陽有夢忽驚覺
霍淚聲中人斷腸

十
稻花雨外紛如雪
桂子風高香滿天
誰信一雙多病

眼餘生重見太平年

暨陽沈德隣氏徙居郡城名燕處之室曰咬菜根處昭其儉也龜巢老人謝蘭謂之曰夫人以儉德立身惟窮達不交者君子躋之拙詩效顰亦曰備薑桂之用云

士方窮居含糗茹艸誰無菜根知味者少睠茲小物大道可擬淡而不厭斯為君子鮭菜自珍龍根自竒我菜之根朝斯夕斯若決濡肉或如啣骨左車有轂宮商彷彿賢相脫粟聖相齷齪顧予何如口腹敢饗吾愛吾廬畦蔬遠屋盤有餘飡鼎無覆餗窮達百年

始終一趨明月清風咬菜根處

輓管伯齡

先生多才德與俱崑山之玉滄海珠玉筆忽作白雲散珠光竟隨清夜徂青、書帶匣里閉纍、筆冢荒蕪雞林客來歎且泣欲覓好詩還有無

二

憶昔狼烟兩袖黃斷蓬飄泊鄭公鄉金龜換酒邀明月玉塵論詩說盛唐百年往事陵谷交通家交情江海長騎箕先看祖鞭去旦夕吾將與頡頏

陳存心先生挽辭代黃仲器作

蒲石軒中山澤癯出門戎馬即長驅欲騎東海金鰲
去竟作西風玉樹枯化鶴還家人想像義烏銜土子
號呼恨無老杜揮椽筆寫入哀詩比畫圖

鶴鷄圖

不作巢居與穴居鳶飛魚躍不相於平坡州淺幽閒
處宿食飛鳴得自如

題清微觀

蘭堂考度亭刁孫仲謀射虎之地今為呂城橋
名密適清微是為清微勝槩也不揣言髦表而
出之并為燕廈之賀云

阿蒙之城何代傾玄元閤宮無與京英雄射虎陳迹
在咫尺奔牛古堰橫鯉魚飛去石盡爛桃花種未蹊
自成華陽福地一如此何用山中宰相名

懷袁耕學諸故人

夢裡忘予兩目盲馬訪山下訪羣英詩容總似山容
瘦道氣多如海氣清皎々白駒方屏跡嚶々黃鳥未
忘情呼兒早起題書尺十日新年雪乍晴

右寄

一昨吳淞十二時清真道士獨委蛇梨花春釀造未
熟頻遣青衣送酒資

龜巢遺稿卷之十七

右寄清真觀道士俞

鋤斧卑提不暫停
黃花翠竹總忘形
問渠送未盧全
意也愛茶歌有可聽

右寄延福庵主

雲峯球子逢場戲
一笑春風舞袖歸
從此宴然門不出
恐者沙界有危機

右寄僧長老

崑山絕頂立浮屠
海濶天高氣勢孤
莫道八風吹不動
八風吹動有人扶

二

玉斧巨邑冠東吳
在處金園似給孤
手把竺書朝夜讀
此心能轉法華無

右寄僧善性空

送郁友文之邑

揚子江頭春二月
送客登舟赴天闕
男兒生有四方志
莫作尋常黠然別
憶昔孺子歌滄浪
尼山聖人曾激揚
我齋載歌呼索郎
子其洗心宜勿忘

次韵奉荅瓢齋先生見寄

齋居一榻坐來穿
腹筍群經老欲眠
夢裡亦行端正路
醉中常造渾涵天
春光荏苒無多日
天氣霽靄近

禁烟舊雨不來今有約虹光遙望載書船

二

予家經亂離蕭條無六親遙憐竹林阮中有白首人
高詞吐白雪逸氣凌青雲榎楠豫章下灌木無足云
安知射工弩中厥父子身問疾數往返先生同五倫
奈何覆盆下日月茹艱辛惟天降炎霜清飈洒冠巾
一朝禍根拔戡穀乃荐臻孤鶴還九臯飄然離雞羣
吾將問玄機載酒過子雲

僧網贊公和尚以疾得告而歸善權舊隱橫
山老樵謝蘭效劉賓客竹枝為臨別贈

維摩床上遣文移治績垂成竟解龜僧史有如班馬
筆絕勝州里去思碑

二

隔浦飛花送客行善卷耆舊出山迎問渠那得真消
息摩頂松枝喜鵲聲

過無錫醫士徐士廉別墅

栖神山在屋西頭竇有寒泉帶錫流山近杏林烟樹
接泉香茶鼎雪花浮蜚英早歲肱三折樂道清時號
四休堪笑興來忘潦倒尚能携酒過滄洲

寄楊彥澤

龜巢遺稿卷之十七

辛六

遊人屢問平安信有子亦如郎罷賢萬石艤腫輸賦
足九重閭闔奏名先未論烏鳥能含哺且喜黃楊閱
閏年我昔與談忠孝事阿戎詞色兩忻然

次韵送秦文仲歸海上

溧水先生挽不田故山迴首鬱相繆落花飛送九年
客行李歸來一葉舟勲業鏡中成白首耆英會上冠
清流獨憐詩社今寥落無復尋盟集舊鷗

送秦文仲教諭歸來崑山縣

盛代垂新統斯文續斷絃青山溧陽縣白首廣文瓊
唾視鉛刀鈍心持鐵硯堅蓬麻扶畫植茅茹拔相連

須印恩殊重明倫教欲專諸生皆鼓篋三物屢興賢
美績經三考英聲徹九天晚成真大器幽谷必

命以菟裘老榮于畫錦還黃河清有日白石爛多年
齒德身兼備文章世自傳本來天下士且作地行仙
鷗社詩盟在鱸魚所鱸鮮寄叢表處士雙壁喜俱全
次韵寄薦福寺東堂長老

坐斷塵根知幾年遊人猶說未生前有時觸背都忘
却笑指扶桑尺五天

二

家山不見舊忘年
重植紅梅慰目前
樓閣大開彈指
頃香風應到率陀天

二

莫笑黃楊老閨年
枝、葉、不如前姓名
畱在香山社也
愛吟詩似樂天

橫山白龍祠

神母何年生
白龍曾橫一墓邊
龍宮蜿蜒靈物塑
如在寂寞古井清
茗室山川每見出雲氣
鄉里競傳行雨功
府縣官曹走籩豆
質我識字田家翁

簡沈時敏

往予入城府
筇枝扶蹕蹉故舊
驚骨立兒童
驚貌寢時予遠見
茂為我言責沈心持一寸鐵
詞吐五色錦
所喜得三益
豈料別數稔
嗣音竟茫然
屏跡疑遠甚
近從友道遊
因聞許詢吟
家住洛陽橋
寔含瀟湖浸
烟波隔紅塵
雲樹幕清蔭
安得忘年交
時能邀月飲
文章論大雅
酣遠就高枕
人生貴佚樂
此樂真絕品

二

一昨觀李杜詞場
車並馳追蹤三百篇
齊名盛唐時
杜詩多與李、與杜者希
當時豈偶然
意或有隱微
復觀杜憶李首陳褒
美詞其間方庾鮑
微憶若少之

樽酒欲細論諒非談笑嬉迄今千載下疇能發玄機
區、蠡測海敢告新相知秋高金氣清桂子香風吹
虹光書畫舫雞黍或可期合歡杯勺間評此兩白眉
况有古經史相傳更多疑朝聞夕長逝九京含笑歸

憂旱吟

吾聞東海殺一孝婦三年乾天人感通非浪言又聞
長平坑卒四十萬天胡為乎竟舍旃人讀書貴窮理
斯理未明堪汗顏竭來一旱月再圓老農多憂良可
怜青苗虫生食欲盡赤地龜坼生炎煙龍祠巫祝環
玃擲羽士醮壇鐘磬喧妻孥踏車或抱餒牛犢賣來

供社錢盲翁夜來亦不眠追思直後三代前堯湯水
旱皆數年必能有以扶顛連當今聖明君咫尺九重
天有能哀鳴玉陛前天恩不日彌九川一夫罔令溝
壑填耕田鑿井仍熙然

示冢子及孫

曹橫山下小菟裘某水某丘堪釣遊四世團圞非易
得一窩安樂比前脩家庭惡有司晨牝江海怜無結
社鷗我子我孫宜勉念莫將肝胆作仇讎

又自述同示

捐、叻書覲有成區、沒世恥無名七情欲斷氣未
龜巢遺稿卷之十七

斷兩目欲盲心未盲白練製裙蠅點污青燈照榻鼠
縱橫家聲掃地網常在未許兒曹學倒行

祭禰忌日詩

投老龍鍾日思親長養時群咻憎陋俗四遠擇名師
夢有生花筆才非脫穎雖庭闈歸定省翰墨作遊嬉
隣舍三元日桃符七字詩柏臺駉馬過毛拔鶴書遲
氣色生遙掖光華照廢庠亨衢雖不到大道頗能知
黌舍分玷坐儒冠廩稍糜中年逢世交濱海避世危
骨月能相保肝腸固有私尚蒙先子澤不受外人欺
栗里歸來廢橫山下築蓬顏然窮谷叟援乃落巢兒

子愛非姑息孫謀有厥貽牝雞良可惡烏養自相宜
昔怨何三失今逢此百罹雙親應念我鑒此蓼莪悲

雲林書舍

為徐孟容作

東家領軍鞋一屋西家買妓傾珠玉寂寞南洲高士
孫燈火小窻書 讀義皇畫卦龍負圖科斗比時無

簡牘神農本艸野岐語為是家傳先爛熟唐虞三代
二千載六經聖賢常在目牙籤揮架日益多蔗境漸
佳心未足便、腹笥貯琅玕齒頰霏、吐珠玉鍾期
骨冷呼不醒誰復賞音聽此曲青林不着軟紅塵祇
許白雲檐下宿雲乎雲乎知不知封胡羯末森如竹

白眉之良衆所稱能繩祖武栖幽谷清河有頌泰階
平應看先鞭駕黃鵠

賀潤天澤住持保寧寺

橫林之北橫山西孤村流水古招提青苔一徑重不
埽白雲半間人共栖松枝甘露落塵尾桂子香風吹
麝臍我來欲問點頭石道價孰與生公齋

南宗僧綱和尚唐允明吟友唱和見贈

支許久不作緇林景清德遠見雙南金褒嘉詎容默
新詩倡且和字、皆悃悃挹此沆瀣秋注茲雲夢臆
大道本平、中庭宜殖、九品蓮花臺毋庸論西域

豆腐詩

凡人年老者以肉食養之古今一致然老而無
齒則肉林之盛禁嚙之供其如朶頤何求其甘
軟若豆腐者真可為養老之善物也但名號不
著于六籍品第不列于八珍鐘鼎之家咸藐視
之比余過僧房學舍連得食其佳者歎賞不足
發于咏歌是猶為冰壺先生作傳也博物君子
宜蒙品題吾言固不足取重于人庶不為嚇腐
鼠于鴛雛者耳

誰授淮南玉食方南山種玉選青黃工夫磨轉天機

熟袒滓囊傾雪汁香軟比牛酥便老齒甜于蜂蜜潤
枯腸當年柱史如知味飲乳何須窈窕娘

唐允明以吾孫垣自成都府岩州衛公差過
常鎮等府因得覲省賦詩見貽有情兼悲喜
之句可謂知我者矣次韵示垣并謝允明

數千里外公家事七八月間行李歸搖尾迎門一黃
耳傷心客散兩烏衣穿楊自可成勲業擢桂從他赴
禮闈多謝故人能警策好鐫肝胆莫相違

表畊學先生以陶詩集句十五首見示心賞
不足以辭答之

先生山澤懼遊戲詞翰中生未愛陶詩白首情所鍾
集句成大章一氣春混融繫、九曲珠螳絲中貫通
嗟予自無見擊節歌玲瓏竊比蔡中郎以聲識焦桐
即物因有感懷吳仰高風孤竹首陽餓五柳柴桑窮
窮非餓死比方寸將無同史稱晉徵士直哉考亭翁
風俗今變改艸木豈亦從黃花朱紫貴青松大夫封
邪蒿匝地生指佞艸絕蹤何當過橫山班荆坐高峯
先生口懸河洗我蒂芥胸風帆早乘興我耳絕未聾

弔薦福竺淵源公

滄海塵生罷遠遊紅梅手植繼前脩雲開樓閣人彈

指風振檐鈴我掉頭十萬里程天竺國一乘車駕雪
山牛客來舊日吃茶處烟冷薰爐憶趙州

寄南京僧綱并寄唐允明

雪竹霜葩歲晚時袈裟迤邐往來嬉著書應笑龜巢
老刻畫無益醜不知

二

詩滿箬瓢酒滿船時人喚作地行仙抽絲適有水蚕
繭好為焦桐續斷絃

東洲觀音堂瓦歌

七佛之師觀世音十方化身無古今補陀舍利南海

現無價寶珠龍女獻東洲築堂五六春茆茨乃作有
漏因珠冠白衣清泥潦龍王女兒應笑倒豈無巧者
善安排不堪空打赤白崖死央瓦合數千百圓通大
士居安宅衆毛集來成一裘震風凌雨更無憂青銅
錢與珍珠粟今生布施來生福

松竹梅三詠

歲寒松柏冠山林論語垂名照古今常偃畢弘俱即
世傳神賴有艸堂吟

右松

淇蒹猗、比武公清風本與首陽同六經烟滅秦坑

後嘉爾雲仍紀載功

右竹

吳王醉處十餘里
僅得晚唐人一詩
不遇西湖林處士
暗香疎影有梅知

右梅

寄習訥二講主

南山北山兩浮圖
東家西家皆給孤
塵世換來風景別
上堂鐘鼓似前無

寄辛彬甫

長短句分三四家
聖賢經訓數千年
伊吾鼓裡工夫

熟萬象森羅月滿天

寄性空山主次韵

住菴家法似南泉
鉏斧單提十五年
歲晚閉門潭不出
恐着霜倒佛池蓮

寄吕克明

生不封侯向酒泉
筆耕東郭太平年
林居適與僧廬近
也為招賢種白蓮

二

客來曾得問林泉
書帶青、倍昔年
且喜時人多未識
楚江萍實華峰蓮

龜巢遺稿卷之十七

次韵自述

兩目塵昏泪迸泉春秋虛度伏生年滄江歲晚龜藏
六依舊巢居一葉蓮

二

雪水煎茶勝慧泉茶經重著兩三年夜來明月梅花
下又擬瀟溪說愛蓮

感懷

生老迂濶後人笑老去盲聾祇自怜紅藥殿春能幾
日黃楊厄閏又三年檐風卷我蚬蠅慢夜月窺人蟣
虱擅江夏黃童能扇枕當時太史豈虛傳

短歌行

東謝莊西謝莊奔牛東斗十里強先人痛惜家譜亡
能言其畧忘其詳高曾本任開封府紹興之先亂離
苦隨龍渡江寓茲土以謝名莊似常杜後來一派分
烈塘華屋高丘乃吾祖季父咸淳中甲科封胡羯末
皆簪組宋曆已矣元曆新竟作遺珠沉合浦我祖佳
城宰木供家庭玉樹遭斤斧我祖我伯我父兄青冢
纍纍續遷祔轉頭滄海又揚塵十年逃難歸洪武昏
鴉滿樹雀無枝結巢乃在橫山塢三子六孫冢子殂
長孫又殞黔陽簿黃茆嶺畔作哀丘昭圖按圖無牴
龜巢遺稿卷之十七

悟年、寒食春州長橫山烈塘連謝莊一盂麥飯一
壺酒老泪觸處俱淋浪於乎豺獭猶能效蒸嘗何況
人為物靈知義方我今諄、語兩郎爾子爾孫宜勿
忘

冬至前一日寫懷

龍鍾去年冬脩書辨魚魯吾兒念吾衰勸吾勿自苦
吾嘗責吾兒曾讀孝經否聖人教斯民揚名並父母
窮達固有命勛勞何敢負芟夷鬼園冊于道或小補
方誦蓼莪編安知又初度存順沒吾寧全歸異朝暮

二

今年盲且聾狀若霜木槁齒牙脫兩齧涕泪出四竅
獨存方寸鐵自謂無價寶異端悉排斥淫祀絕祈禱
喋、非好辯憐、衛吾道一陽葭欲飛九土荔將出
家人忽起早為我作生日沽酒斗八升有菜二十七
北風非不寒南檐盎如春都捐眼前事且漉頭上巾
巢居鳥返哺拄杖鳩祝噓橫山薺瓮水東洲釣舡月
窮鬼莫見笑老夫甚為悅寄語撲燈蛾少湏燈自滅

寄朱季明

客來曾說問詩懼西郭橫花玉一枝朝日尋常照首
猶春風次第到屠蘇通潮港淺潮田熟捍海城高海

寇無珍重歲寒門不出催租吏卒競喧呼

寄題讀易齋

為辛彬甫作

讀盡諸家卜筮書義經日夜卷還舒
數椽茆屋委江上一樹梅花臘月初
童子研朱頻滴露客來買卦或潛虛
珠璣咳吐琅玕腹何患家無儋石儲

王達善母挽詞

阿母穆、林下風生兒彷彿晉阿戎
起家讀書眼如電闐闐衣冠俱一變
三從無遠四德全月旦有評無間然
萱花堂上安且吉分甘抱孫長在膝
風含夏葛并刀剪雪沾寒笋充厨餽
兒能苦學夜不眠不勞母

作熊胆丸客來治具兒不乏母勞母剪青
絲髮升堂拜母環佩鏘慈顏怡愉春滿堂
希年厚福有如此千萬人中能有幾
兵餘重見太平時蓋棺應喜得全歸
諄、有命提兒耳不以浮屠廢喪禮
素車白馬紛如雪閭里輝光人共悅
我歌薤露聊云、宜有張林之碑傳後人

塗謠

新年騎竹走兒童兩月甘棠憩召公
大誥奉揚天子命崇文絕與昔賢同
閭閻四邑歌謠喜囹圄群縲剖決空
魯泮芹香霑教雨孔壇花暖鼓春風
投膠澄水

真難事覆篲為山必奏功早晚墮書嘉政績東閨劍
井氣如虹

和王有恒野步

芳艸青、路欲迷白頭有客共扶藜吳田半沒桃花
水辜負春風布谷啼

二

雨、風、一夜春惜花愁殺少年人青山不管人間
事也學吳姬翠黛顰

和王有恒見贈

客來欲與問天翁鳧雀吳為脛不同一代衣冠更安

後五湖風月咲談中脫巾醜酒留知己擊節哦詩和
送窮窻下小桃嬌欲語錯教童子喚紅

糟丘 為鮑思文作

諸公捐、營菟裘何如將老吾糟丘杯餘勦睡儘落
魄堂上肉食從伊優酒泉不作二千石醉鄉宜封萬
戶侯幕天席地燭明月日與麴生同宴遊

攬翠軒

昔人車載蒲萄酒區、為覓西涼守山川信美得專
城能有幾時權在手何如白駒在空谷四山空翠皆
吾有非烟非霧非塵氛鬱、葱、藹林藪兩間清氣

相混融若有人斟西柄斗繫我南州高士孫說項求
詩半年久老夫平生愛蕭爽一笑相逢敢多口山靈
望子早歸來相伴雲林猿雀友朝餐青霞夕沆瀣攬
翠軒中可兼取何異商時茹芝叟

王有恒以詩留別其詩有鶯花老泪之句
予乃效唐人和意而不和韵送其行解其悲

兼簡吳中行心友

丈夫不洒離別泪盃酒堪澆塊磊胸勲業連年双鬢
雪歸舟此日一帆風身居畎畝宜為樂腹有詩書未
是窮寄語雲間吳處士好將安信慰盲翁

苔溪獨釣圖

吳興山水清且妍苔溪之名天下傳鷗鳧相伴一釣
者風雨不歸三板船駱駝橋上人如蟻看花馬去長
安市滄浪古調不欲聽琴著小鮮何足睨溪流入湖
青接天鳶飛魚樂兩悠然休寧挂冠歸故里丹青想
像玄真子漁童樵子俱不見雨笠煙蓑真乃尔嗟予
經鉏老窮閭文章書画愛猶兼茲圖若以文並覘必
須一字酬三鱣

端午

家居州縣似新豐不作偷生折臂翁蒲歌尚能邀客

共榴花堪比舞裙紅三年艾老蓬蒿下六日蟾遺坎
井中世事古來多可笑陶然且卧北窗風

窮快活示二子

香風嫋、花滿林花間鳥有快活吟吾生天與窮快
活一鳴可不如春禽憶年十八正月旦薦官船泊西
河岸東隣西舍看桃符造然有喜邀相見時予衰經
泪淋漓鶚書不作令待時丁寧郡守養寒畷月支學
廩供慈闈窮快活從此得鄉党州里皆喜色六經如
天從管窺一方寸地開茅塞破竹方知迎办解啖蔗
漸能佳境入看花不上長安道桃李家山春正好馮

驢有缺不曾彈乘車食魚鐘鼓攷充閭有子燕雀鳴
打門無吏雞犬寧阿孃含笑歸九京遺澤使人呼寧
馨塞翁之馬無得失四十年來如一日南山石爛莫
奈何移家東海避干戈蛇無橫道虎入窟隱然若有
神馮訶入吳首謁三讓廟感古傷今發長嘯三高祠
下斥鷃夷豆籩忍覩吳為沼雲門先生鍊笛老傾蓋
相知皆絕倒老性尚存薑桂辣不隨蒲柳秋風掃玉
山玉泉膠漆捉顏公智公支許遊墨名儒行一年少
宅我闔閭風雨秋中吳偶作北維穴越鳥喧呼來不
絕熊羆盧殷吳趙許相伴滄洲美明月華亭清泪真

可聽獨憐士衡呼不醒鱸魚斫膾新釀美坐客有無
杯不停逝生十年聊自足不知蘇臺有麋鹿大明赫
赫照中天東風送我還鄉舡昏鴉占盡故林樹老雀
孤飛無宿處東門種瓜官道邊菟裘擇隣遷復遷大
兒橫山薜蘿屋小兒東洲穉稗田畊桑汲、養吾老
晨昏定省俱舍旃每逆暑月多晝眠小窻看竹風冷
然風來扇枕竹聲折使人若見黃童賢窮快活年近
百懷哉古君子缺面金榜客知己宜有報終身竟無
策作詩示我子若孫勿言儒冠多悞身讀書萬卷百
俸底當時杜老乃云、人生苟不識義理馬牛襟裾
真可恥銅山餓死黃帽郎莫信有錢能使鬼吾今兩
眼睛如漆尚喜一襟澄似水曾聞聖人言攷、斃方
已家童荷鍾好相隨速埋顛與劉伶比黃茅嶺畔青
松宅松聲為我鳴綠綺莫用伽陀步虛污吾耳

寄劉小齋先生

延陵季子畊田處太乙老人蒸爇明動筆即摘蒼頡
字著書重州太玄經古苔門巷車無轍脩竹堂堦夏
亦清一別數年三舍近斗城猶望聚文星

簡張履道代蔣以誠作

虛名不託爛柯仙斫雪青山不五年一曲樵歌人未

識瑶城江上獨先傳

二

客來東里遇炎霜老却瓊林樹一章賴有麟膠絃可
接焦桐流水發鏗鏘

三

雞林近有賈人來不向何樓買襪材坐待春風吹鏤
笛筆端還有鏤花開

寄宜興教諭

人言陽羨溪山好溪山好處能多少山無猛獸水無
蛟且喜只今逢盛朝竹姑堪入風土記茶歌可比康

衢謠鬻官倚長橋高堂鳴講鼓新除學官教雨滂坐
令岩邑成鄒魯老夫一昨覩星凰別來隔邑遙相望
山如溪屏空翠濕溪作墨池秋水香火星西流拂新
日薦收行秋埽餘熱堂堦滿地落槐花衿佩詵、立
黃雪鄉無三害風俗美賓興名賢天子喜予有一言
請試聽丹梯拾級徐、行地因人勝地必靈邑里州
生書帶青鄭康成齊令名

思賢錄元末為宋先賢鄒忠公祠墓而作也

洪武壬戌會崑山王仲照語及之慨然有鏤
板之意後果如其言蘭初意凡遇郡守及府

教到任各送一部庶有所觀感而不廢其祭
掃之禮焉今蘭于垂死之秋追念疇昔乃口
占以抒其情

故人家住千墩麓為儂板刻思賢錄祇緣見說道鄉
翁傳道程門能慎獨刻書未了謫炎荒寄聲龜巢事
宜速乃將楮幣折青蚨七萬五千錢數足不邀譽不
求福高義景前脩遺風振頽俗惜哉時無鍾子期聽
我焦桐彈此曲

往存真公以南泉鉏斧入天寧天菽社猶附
庸也龜巢老人作歌以送之

吾聞西方教無相無任看卑提了無碍羣居亦同樂
大林新法幢天寧古道場屋皆雲半間庭各月一方
不縛肚上篋不舐辨頭蜜何以養幼軀自種還自喫
踏翻生死海坐斷聞思脩獨園銀杏樹應作石點頭
寄南京僧網和尚
去年同看中秋月東閣開窓夜賦詩閣下桂花無恙
否秋風又到去年時

八月旦辛易齋書來知畊學袁先生客死秣
陵以詩哭之

吳門山水隔東雷魚雁依然數往來秋晚書題霜後
龜巢遺稿卷之十七

橘歲寒書寄隴頭梅但知抱道貧非病豈料生兒禍
有胎嗟我泪從枯眼出秋風遙洒鳳皇臺

感物

眼昏不見中秋月疑是重雲障碧天眠到夜深方自
省莎雞鳴我枕頭邊

二

廣寒宮闕吳剛斧桂子天香總浪傳古意正須人默
識華峯絕頂瀉如船

三

青蠅晝集汚衣巾白鳥雷鳴夜嗜人安得天教生處

樂百虫俱蟄四時春

秋興

臺笠朝京天下同楓宸頌賞不論功人材列郡三英
粲歲事連年百穀豐村鼓鼙、喧社日酒旗獵、舞
秋風螭坳誰秉春秋筆為祝皇家紀治隆

二

涼飈微起早秋初炎宇蠅蚊未盡除歷代興亡聽燕
子幾家慈孝學烏雛面皮寧受人、唾頭髮還教日
日梳堪笑六經俱忘却夢中猶讀啓蒙書

三

大暑方徂火始流
締衣遽易木綿裘
穹林木落風猶
怒破屋茆飛雨未休
虎豹九閩冠有豸
華夷一統佩
無牛願言畊鑿終吾老
瓦盆邊擊壤謳

四

疇昔愁聞爛石歌
并愁無地避干戈
如今喜有清河
頌更喜橫山得薜蘿
旅雁帶人家信至
霜楓似我老
顏酡紛、紅紫時為貴
老圃黃花變易多

五

矮窻兀坐懶擡頭
劍氣依然射斗牛
石作丈人渠自
拜木稱居士我何求
看花儘有長安馬
橫渡渾無野

水舟尊酒欲論今
古意叔牙何日過
林立

六

橙搥金盞紫蟹烹
客車投轄坐飛觥
一時酒興兼詩
興半夜風聲襍雨聲
人事盡隨高下手
世情多作短
長槩賣薪童子歸來晚
但說街頭酒價平

七

花巢老我六藏龜
幸爾餘生際盛時
九土方輿歸禹
貢三農風物在邗詩
蝸粘壁上涎何竭
州出山中志
不移獨有緇黃畏
羈束遷居城郭半
攢眉

周可大新充糧長

千里長江萬斛船飛舟輓粟上青天田家歲晚柴門
閉熟讀天朝大誥編

二

租吏毋勞夜打門桃源風景烈塘村好將擊壤歌中
意寫作丹青獻至尊

初度言懷

昔人以大塊勞我以生佚以老息以死令吾勞
且佚者三萬餘息之宜矣

天教兩目電無光百物無勞覩短長大塊今朝能息
我奚奴便作挽歌郎

二周詩

橫山謝老過烈塘而作感今思昔挂一漏萬以
元吉可大為周之白眉使先過目轉示族人大
意念先世一立之土望為保障至如吾族之微
意在言外聞之者亦必有感于斯時洪武二十
四年十二月朔日也

東西二周烈塘曲世與吾家鼎三足東周阿婆吾女
兄西周好婆吾女叔百年世事一再變遼鶴歸來無
處宿蝦蟇之陵幸然在煙慘雪悽寒篠綠吾祖汝曹
曾外翁數塚纍、列昭穆年、梨雪落清明貌予來

作孤猿哭周宗奕葉丰懽悻惶惜蕭條渭陽族東枝
只今春意多西枝亦復花如簇有能銜土學義烏無
患觸松來野鹿篤親苟不負前言高誼真堪振頽俗
莫言古道獨行難天將照汝光明燭

示二子自烈塘還橫山而作也曾子曰人之
將死其言也善吾于此亦云

羲皇未造書契先二五渾淪無可甄勲華繼義立人
極三代典禮星日懸人之有生必有死養生送死理
宜然一從楊墨至聃釋異端邪說多乖愆我生賴以
讀書力破浪帆我中流船蒼頭荷鍤日隨我死即埋

我橫山前毋勞沙門送作佛毋勞羽客送登仙漆燈
不必照長夜寧樹不須纏紙錢椒漿或酌寒食雨麥
飯或洒清明烟謝莊西頭烈塘口高曾祖禰上畝田
年來岸谷後變改瓜瓞幸尔猶綿、微如豺獭知報
本汝曹慎勿忘吁天

賀西傳和尚為僧司副綱

大鈞魏、立人極緇流亦須方尺赤選佛場中選厥
官提挈綱維揮判筆龜巢老人盲且瘖刮眼欲覓黃
金篋黃河水清一快觀更着鉢羅開盛時

崑山辛彬甫夏初以人才見上奉旨還家教

諸生讀大誥限以十二月五日師生赴御前
試讀如期而往受賞而歸蘭甚以為喜作是
詩賀之

白袍鵲立筵鴛行青佩鳧趨被寵光大誥三編建翎
水春風兩袖御爐香賜金堪比燕臺聘抱玉仍歸下
匱藏試者明年書帶艸崑山多似鄭公鄉

長洲劉衡來云無錫徐伯樞縣丞重過衍慶
院有詩題壁予乃次韵叙別并寄題膠山幽
居各一首

朝陽寫鳳失巢時偶集叢林枳棘枝坐客一粘曾吐

酒過橋三笑共哦詩長洲茂苑多年別野水孤舟到
處移重掬清流弄明月秋風禪榻鬢絲垂

二

西日長安多看花東膠故丘今種瓜問奇每却人送
酒養老喜有兒當家一襟清氣比肩少七言長詩適
應賒暖香不熟古銅鼎雪梅應作先春花

送丁敬止携室人奉母往西流乃翁寓所完
聚

風雨舟車涉路難爺娘妻子聚團團七千里外桑蓬
老十二時中菽水歡楊柳小詞聊送別蒲萄斗酒莫

求官過庭煩說龜巢老新結松蘿六問安

代簡荅陳子章先生

屋山日高三丈餘盲翁負暄頭不梳客來長揖道傳
語宛丘先生今寄書開緘為我一再讀

雞壇挿血闔閭城三十六年如信宿象賢無人
固可吁玉潤之壻亦可娛韓子文章妙天下李漢掇
拾無遺珠嗟予經鉏付中子書田未熟身先萎孫枝
一剪一飄零戎服西川八千里阿翁俵、無所之况
聞路難多羨慕閉門縮首如凍鳧墮甑不顧從人嗤
大兒力田供菽水小兒烝嘗伯為祿此身幸無寒與

飢祇欲全歸未能爾每憶梁溪邂逅時買花載酒留
人嬉元龍豪氣除未盡傷春猶賦杜鵑詩一別十年
今若此、去浮生知有幾車輪後教生四角是非毋
勞辨三耳我、陽山烟樹綠皎、白駒在空谷太湖
流水清于玉雲影天光常在目焦桐絃斷麟膠續彈
我風雩詠歸曲詩筒不時頻往復要見珠璣咳吐琅
玕腹彼此相看如鮑叔

和鄒士文與陳子莊會飲

不談黃老不談僧不憶鱸魚似季鷹行到古人清絕
處今人能有幾人曾

水獺黏帽代曹元度作

蛮溪水獺雪毛黏帽屋蒙戎載渾天濡首墨池頻脫
去不妨州聖繼張顛

林塘幽為鄒士文賦

林塘幽在何許梁溪之東五十里宛若浣花流水西
頭住滄洲繚繞白鷗沙青山隔斷紅塵路幽栖人似
鹿門龐叟芸特欠妻孥助清時固難遇生處聊自樂
閣卷絕車馬堦庭可羅雀門前荊州不教鋤爨下焦
桐亦高閣排衙不聞官舍鼓抱閨那知兵戍柝催科
吏不打吾門知我家無田負郭穿窬盜不入吾室知

我帑無金可攫烏衣喜得客居安黃耳且無家信惡
愛詩愛酒愛親勿此外物情俱淡泊鄉來無錫山中
泉潺、日夜流青鉛三吳化作百戰地州亦血腥人
亦然殘山剩水本落寞地因人勝佳名傳老夫獨恨
傾蓋晚枕書方作邊韶眠清晨曹劌過空谷一鼓撼
我龜巢苓時余春秋九十有六年訪人嬾上山陰船
卧遊賦此林塘篇

謝府學教授縣學沈訓導見訪

杏壇遺曲三千齡彈與龜巢老子聽賴有青松知曲
意掀髯為我舞堦庭

灞橋詩客寒驢馱同策吟鞭過薜蘿老病送迎門不出楊花飛雪奈寒何

別後數日知途中值雨再此謝不能固畱

隣家借酒過牆頭楓火新鑽且易裘風雨不留佳客住溪山應為老夫羞一毡冷暖忘木榻四月清和

秋珍重沈腰圍革帶先鞭何日上瀛洲

詠懷詩奉府學訓導

早年豪氣慕元龍人日窮途作嗣宗夢斷春風金駃裊情種秋水玉芙蓉春秋魚魯渾多誤河洛圖書豈

易逢四海白頭兄弟少懷哉澗底有青松

寄樵海教授老先生洎諸故人

室移懸磬三家墅身作爬沙六日蟾生死固知天已定盲聾可奈日相煎桃花笑我頻辭酒燕子嗔人不捲簾吳下友朋春夢裡休官多喜似陶潛

寄集公詢公二講主

吾聞西方教一人無住著染下一宿去信步恐顛錯嘉尔兩尊者高風素相若出世扶法幢功成竟忘却

掃除煩惱魔洒脫禪律縛不隨法華轉亦不觀日落千墩片雲間卧遊當行脚日來崑山縣山靈有佳客

欣然為彈指又見此樓閣人皆時乎時我亦樂其樂
老夫數年別每憶霞上作含吐海潮音因風寄窻廓
寄陳明遠兄弟

先世多遺澤清風並絕塵門前馳驛路林下讀書人
龍澤靈湫古牛臺佛樹新盲翁飛不去徒憶外家親

懷辛至善

通江橋下別小海醉中聽玩世頭俱白逢人眼共青
溪山三舍隔風雨百花零賴有忘憂物千錢一巨瓶

素醜醜

楚江萍實本烏有童謠浪出詞人口社園菜根非不

佳老饕可奈無齒牙世傳淮南豆為腐山僧野人嘗
厭飫誰信窮居寂寞濱街頭買來如八珍金莖無露
石無髓眼前無物堪為比吾兒捧持供老親乳姑何
異唐夫人我非曾嗜羊枣樂與參元同一飽淡而
不厭知者誰中庸君子古來稀腐兮腐兮能養老濟
世之功不為小淮南此術昔未傳食貨志中斯闕然
前時雍公贊三德我亦題詩三太息易名今號素醜
醜質諸庖丁易牙食曰都

次韵荅臧尚迪先生見贈

延陵野唱風吹去曲誤誰知顧且聽湖海卧遊春晝

靜一簾花雨集中庭

二

生兒喜有凌雲志補屋能牽帶雨蘿春水自流魚自
樂咲人濠上說無何

又答毛伯尚

白石南水無復爛朱絃流水正堪聽斗城東斗紫棗
里書屋三間州一庭

二

喜木天生古喬梓故山月照舊藤蘿壽觥頻捧梨花
酒莫問東欄事若何

憶昔行

憶昔父子生別離濠梁流血人正苦一聲哭斷九迴
腸化作瘴烟生阿堵當時見而知者誰西門橋畔柳
攢眉從茲失却岩下雷欲送孤鴻烟瘴迷天教兒歸
養郎罷一語不聞相慰藉有時摸索案頭書手澤未
乾多羽化去年秋初至今日白日青天闇如漆下床
寸步莫能移食飲不分朝與夕蒼天蒼天宜蒙見憐
早入鬼錄如今登仙區、有一語請與親勿言生兒
可愛儘教愛留取眼光終暮年

楊文靖公祠堂詩

立雪程門道學傳東南瓜瓞遂綿、置身方到賢關
地隻手將扶杞國天豺虎跳梁非偶爾鳶魚飛躍自
悠然常州舊宅今焦土宜有烝嘗似昔年

送垣戍蜀屯所

七千餘里孫屯田九十六歲翁勉旃人心堅與鐵石
比天眼明如日月懸赤甲山川皆勝景黃雲隴畝正
豐年添燈照我青松宅別後全歸日宴然

即事簡臧尚迪毛伯尚

噫吁嚱痴翁百拙盲兩眸好古之人念不休
靖祠舊在城東頭桑田為海岸為谷祠亦化作濟河

伐楚之焚舟文靖早從伊洛遊伊洛一派東南流時
方薦賢拔其尤遷徙天下落常州至今羨墻間儀型
見前脩移文宜托北山靈作室祀我東家丘二人同
厥心衆毛成此裘冠冕斯文黼黻皇猷光生劍井衝
斗牛照人駿奔嶺滌羞鳳兮鳳兮兩悠悠、一鳴三千
秋昔聞吳興沈東林隱居收書散黃金長洲同姓今
好古散金收書同厥心老夫書痴年近百尚欲旁搜
二三策客來說項似楊源又說識韓如李白孫枝璫
璨珊瑚樹襟度汪洋雲夢澤區、辦香客懷去借書
數篇騰竹素高人若問欲何為欲使迷途人快覩天

倫道在科斗編朝聞夕死勝登仙譬若丹梯借我升
峯巔太薄移來鄉井傳飢渴可療痊可疾藕絲織縑
顏色鮮孤寒總得衣褊躔客歸為我謝一言陰德濟
人知者天

寄呈崑山縣學訓導

崑山學舍玉峯前玉氣氤氳暖坐玷弦誦聲中和樂
意浴沂童冠暮春天

二

一株銀杏倚齋廬長夏清風喜穉如試問西湖林處
士梅花誰與歲寒居

三

鄴架牙籤古典多桑公缺硯少年磨借書莫笑人痴
絕矻、編蒲老薜蘿

屯田歌

衣布襦食菑畬服勤犁與鋤三餘涉獵兵農書惜居
諸範馳驅秋、啜注千里駒時來躡雲衢

道旁語

盲翁坐南檐炙背日將午兩耳未全聾猶聞道傍語
一言賢郡守愛民若慈父一言江陰丞心若秦鏡古
鮑老本郎當不覺双袖舞安得普天下州縣皆樂土

人無笑中刀物無射工弩不憂歲年晚不畏冰雪苦
春從天下來百州沐膏雨

新、堂

猗欤隱君子城市山林靜方寸秉彝天明若古秦鏡
妍媸照人面肝胆見人病朝、頻拂拭塵尾犀角柄
秋風塵自多不到靈臺境湯盤九字銘宜加日三省

椿萱堂

將軍大樹從錦纏高堂椿萱香靄然昔椿壽閱八千
歲今萱德薰三百篇分甘稚孫遶膝下承懽萊子舞
堦前雙親之樂有如此虎圖應作函頭傳

上李太守

龜山先生之學伊洛傳鄉道先生與比肩熊魚慎獨
各有省同在中庸書一篇後來出處固不同晚復同
此終餘年當時州人買田宅楊乃宅居鄒瞻田百年
世交厄兵燹宅為焦土田荒烟府公去春下車日蘭
以缺典曾敷宣還家薦欲去專對目盲耳聾身莫前
願言一祠尊兩賢歸存若魯靈光然斧工毋勞巧節
稅畫史六勿丹青妍渴湖挹水注壘爵泮池采蓂供
豆籩風行四邑艸必偃續成三考蒲無鞭斯之熾而
昌劍井光燭天瑤琴斷絃續金榜三魁懸甘棠遺愛

歲百千不須龜蚨石立如硯巔邦人去思肝胆鑄

老蚕

蚕老不眠食日夜作繭忙繭成上線車雪色蕩絲香
垂衣美黻冕在上供皇王衣被普天下其功實難量
蜘蛛巧如之結網能高張蟻蠊可欺者羅致日充腸
予生勉續學歲閱九十霜為蚕不為蛛賦善賴彼蒼
雖無黃絹辭斐然成厥章小則效裨補大以繫網常
制度苟無違尺短寸有長願言後之人緒餘毋或忘

負暄

峩、芳茂山為山遮羽風南陸日杲、南檐暖融、

盤飧豆粥輒箕踞藁席重追思古義皇首出開鴻濛
宮居食而衣生民藉軒農勳華教明倫三代禮樂隆
尼山集大成斯文萬世宗蘭也幸知此不與禽獸同
年紀近百歲心孫猶四通三字四字句經訓授蒙童
七言五言詩大音鳴寸衷時無雞窠兒自號龜巢翁
負暄樂如此人言少如儂、亦自知足作詩謝天公

代簡高彥述

長安道上人如蟻恬淡齋中香自凝金匱早傳先世
業玉樞誰授道家經梅花立雪應含咲麴蘖流霞可
解醒莫訝盲翁詩永訣又從追蠹一撞筵

懷唐蘿屋

烏石岡頭送上船黃楊厄閏又三年烟蘿小隱三家
墅霜稻豐收負郭田置酒待賓常擊缶買書教子不
論錢盲翁恨不能飛去永別歸來赴九泉

和遊大林庵韻

石頭數里橫山路丹井多年羽士家聖代重開新宇
宙禪林乃易舊烟霞沿堦細草龜毛綠護竹疎籬象
眼斜更有庭前松柏樹潮音也似學楞伽



